

兩浙輶軒續錄

兩浙輶軒續錄卷四十目

張慶榮 查紹籤 陳慶辛 戴陳巖 周學濂

吳慶奎 徐立本 徐時棟 陳錫華 周申緒

盧錫疇 朱允成 方毓瑞 陶慶仍 吳受藻

胡孝棠 王汝槐 徐道生 陳旭彩 吳承恩

姚體崇 張燮榮 鍾峻 陸榿 張均

朱大紳 高均儒 程光熊 蕭應魁 俞嗣勳

黃焯 陳鑾 盛炳章 陳潮 傅岱

宋梁 趙琛 華棟 陳毓麒 陳元鼎

宋肇昌 張炳莖 陸秉樞 章倬標 項益壽

王凝厚 夏鼎 楊錦雯 仲學陶 程世勛

鍾士奇 顧恩來 沈起潤 徐模 周毓芳

宋英 楊敬輿 查春榮 郭沈昶 徐人治

崔以學 賈敦臨 沈廷耀 楊懋驥 朱鍾

朱錫山 沈筠 朱逢盛 沈以堯 吳松

盧之貴 孫墉 周學洙 董恂 陳士駿

沈廷松 鄭宗玉 鄭之良 黃定齊 王約

葉元塏 錢福衡 周晉鏢 施丙 謝聘

陸源 樓鏡人 錢溥 張淦 葉蒸雲

王心鏡 蔣在樞 潘銘憲 項霽 吳乃皋

林鶚 季垣 何暉

兩浙輶軒續錄卷四十

督學使者潘衍桐訂

張慶榮

字稚春，延濟子，嘉興人，道光丙午解元，著稻香樓詩稿。

朱錦春序略，稚春博學，數行卓然，有古人風。詩、文、書法，並得，叔未先生之真傳。丙午領解，即戊午故物科名盛事，播為美談。天性尤孝，友內外無間言焉。

流虹亭訪東坡馬券石刻

頽宮亭子龍興祥，坡公石墨留寶章。公昔贈馬故人子，特媵公據書一紙，甘萬錢捐義士，稀七十三字，驪珠似京卜，宵小滅。公書麤沙大石，相磨治爾時，此石避何處，無乃覆壁藏。趙岐高孝以後重，公蹟豐碑寸碣教，重勒此鐫活筆，非臨摹醉本。蘭亭第一刻，昔依唐相忠州忠，今傍宮牆東，堂東真手不壞，八百載滄江明月夜，夜夜流長虹。

唐聚慶墓誌輒

古甄一片名聚子華胄遙遙周內史仕耶商耶俱不詳苔花

滿面唐朝字一犁翻出農家流攜歸螺潭凭比邱頑然飯甌

竟何用香廚供覆香燈油竹林村窩老學博不肯拋甄勝拋

玉濡毫吟出四詩篇史碑

羅潭廟碑宋紹定中史顯慶立

鍾祠

羅潭廟中有鍾庚陽比部

祠同著錄奚奴舁走來竹田賸陪精舍漢晉甄大和王子今

戊戌彈指一千有八年嘉興是時蘇州隸進思崇福遠難識

惟有甘露志嘉禾唐鄉元里還殊異從來地志代屢更鄉里

名何關重輕謝公墩與卞公墓史書終古千秋名此君名字

何由壽只為生前敦孝友勿憂潛德不復光會入邑書應不

朽

查紹錢

字鏗友號玉彭海甯人道光丙午舉人著還讀我書齋詩鈔

許滄祥曰玉彭先生好讀宋儒書篤信程朱之學鄉舉後援例以部郎候銓仍以母老不赴選晨昏定省門內

雍和性友愛仲弟業離津沽以銀價騰貴折耗甚鉅詩於父割己與季產濟之仍不足復罄己所積躬往經理其事鄉人稱之

蘆花敬次家大人韻四首 錄二

半襯征塵半繫船蒹葭汀渚老漁眠秋風客路青絲纜暮雨  
王孫白玉鞭吟憶寒蟲喧隔岸銜憑新雁渡前川笛聲吹徹  
菰蒲外回首關山又一年

輕颺斜撲任紛紛撩亂隨風影不分笳管吹殘寒浦月琵琶  
彈罷暮江雲花逢命薄初離梗柳到春深每憶君一自溯洄  
人去後白蘋秋水悵斜曛

陳慶辛 字鹿賓海甯人道光丙午舉人著竹筠書屋詩彙

過臨平阻風

才渡臨平十里過忽然風勁捲狂波莫言險處風波險穩處

風波險更多

繆孝子詩

孝子名聖元臨平人早孤幼作小負販稍長受大家傭先後得資奉母暨其弟歲歉則已

常忍飢而甘旨無缺二十年如一日今春母病劇鄉僻少醫家且艱湯藥資濱危苦乏救孝子初不知世

所謂割肝割股事行乎其所得不行毅然斷手指一作糞進母仍不起兒亦相繼斃聞者哀之同里鍾

茂才溥悲其愚而哀其志懼孝行之湮沒無聞也紀事徵詩余因得悉其顛末繫之以歌

繫古截指有二說南八盡忠段氏節愚民竭力療親病無過

肝割與股割親幸得救兒心慰親即不救兒仍活悲哉孝子

截指救母竟殉身豈止與古忠臣節婦成三絕臨平繆氏子

父歿尙稚齒有弟年更幼艱食慮呼癸孤寡三口苦相倚隻

身傭販奉甘旨有時歲歉珠桂昂背娘私覈甘糝糠兒縱苦

飢不自卹盡歡菽水仍其常三十餘年未有艾終身孺慕根

天良今春母忽疾回春恨乏術用藥難逢股折三拔刀無奈

指斷一道是煎湯供母飲皇天默相人自吉兒血流不止娘  
病仍不已娘命未絕兒先劇可憐娘死兒亦死見者隕涕聞  
者驚闐幽事賴鍾磬記吁嗟乎我聞簪纓閥閱奉高堂板輿  
迎養輕去鄉生前捧檄諉祿仕死後祭告誇焚黃又見富室  
養親僅口腹扶持抑搔責婢僕一朝苦次鬪華靡旌旛幢矍  
炫人目紛紛羨慕傳鄉閭外耀何嘗不有餘何似匹夫舉動  
出至性純一無偽猶生初未知孝子二十四人爲何事未見  
孝經一十八篇爲何書至誠激發其愚不可及較之富家貴  
族事親孰實與孰虛方今

朝廷重純孝採訪之責在當道敬達吾鄉賢父母籲求大吏  
速入

告



戴陳常

字甫申號黼笙海鹽人道光丙午舉人著博收齋詩草

許仁杰曰甫申系出渤海為陳乾初先生確七世孫其尊人琢堂撫于戴遂承其姓琢堂長厚有隱德甫申少

具雋才晚竟不遇良可惜也

### 冬夜有作

歲序聿云暮耿耿宵何長闔扉對篝鐙火黯無光朔風起  
 木末宛轉入曲房孤衾已自寒涼飈况薄牀敲枕無夢寐攬  
 衣起傍徨鳴琴不在御何用寫衷腸推窗望明月庭際皓嚴  
 霜寒氣砭肌骨凜凜不可當鄰家逞豪飲喧呼紅爐旁明鐙  
 照墜珥酌酒炮羔羊天涯無衣客頸縮涕沾裳廣夏庇寒士  
 此誼今難望嗟哉杜陵志千載令人傷

### 秋夜懷李壬叔

善蘭

梧桐葉落墮金井窗外飛來明月影玉階露冷蛩不噓一夜

西風寒漏永蕭齋寂寞誰與同孤吟獨對疏燈紅芙蓉花發  
君不到空有相思千萬重

陳襄夔

錫麒

夜過齋中話別次莫坪韻

驪歌欲唱心先寒裁詩惜別姑盤桓銳句力破黃牛革清譚  
味孳生龍肝江頭風雪不肯赦鐙面酒樽相與寬明朝惟有  
一枝贈老鶴亂踏梅花殘

讀少陵集

喪亂憂君國衰殘厭鼓鼙論文惟太白見道過昌黎身世飄  
蓬轉乾坤醉眼迷邠州吟苦處風月自淒淒

送秋

送春曾記欲魂銷況送秋歸更寂寥碧海寒多鴻有信黃花  
瘦盡蝶無聊夕陽衰草荒南浦疏雨垂楊冷灞橋霜月淒清

蝨語咽一杯空酌可憐宵

周學濂

字元緒號蓮伯烏程人

府志學濂少受業於同里揚知新研求訓詁以經典相承之字有不見於說文者假借以求之他說所無伸以己見名曰說文經字考以補邵瑛羣經正字所未備虞世南北堂書鈔為明人改纂世無善本嚴可均校正五十三卷而中輟學濂得嚴校本依例續校歷數載而成主安定書院以經義課士多所造就諸弟羣從先後入翰林風華掩映而學濂淡於進取獨抱遺經孜孜不倦同治元年湖城圍急以所著書置之學宮敗壁間謂其友曰幸不為燼遺數卷書流落人間後世尚有知我姓氏者城陷日不屈死著書散佚無存

戊午秋日借高叔荃司訓飲齋生師重桂堂歸成長句

三章 錄一

連蜷桂樹屋三椽許住瀛洲小謫仙雞肋末忘金馬夢鴻泥

聊證木犀禪醉鄉跌蕩荒倉畏墨瀋淋漓草聖傳我是子雲

亭下士幾回問字話蟬媽

登飛英塔

浮屠涌招提報德資鎮奠彫剝生輝光象教力能變七級森  
嵯峨八窗互貫穿密勿窮攀躋危梯攝螺旋騰身壓鵬鷲矯  
首切星漢眾山蒼弁來環衛若鼇抃具區互北戶際天渺無  
岸俯覽孤城中一氣入凌盼短樹牛毛疏連蕘蟻垤閒是時  
風日佳天宇肅清晏籥雲慙未能自笑笑樊籬鷓願乞飛霞佩  
攜手游汗漫

吳慶奎

字聚珠榮仲子長興  
人道光丙午舉人

縣志慶奎少承家學通十三經博涉天官河渠六壬奇  
遁之學尤邃於易蒼萃漢唐諸儒易解撰李鼎祚周易  
集解正義燬於兵燹所著僅存者箬谿權歌百首采掇  
異聞多舊志所未及同治中重修縣志賴以補遺訂誤  
者不  
少

箬谿權歌

茗水南來第幾灣，燕舫行裏記螺鬟。  
林端一抹青如髮，知是吳筠宅畔山。

萼破朱藤葉點蘋，含青閣傍碧溪濱。  
荃橈遊女頻挑菜，紅甲防風各鬪新。

殷福功成百戰場，伯封仁武又南疆。  
將軍一例薶秋草，郢浦蘆花自夕陽。

柔艣東門遶綠波，承平誰復識干戈。  
遺營故老猶能說，爲唱花卿貰酒歌。

豐樂橋南汎舳舻，丁公祠下莽烟蕪。  
清風屈指東林黨，惟有寒江獨釣圖。

宣和孔耳石峴嶽，凍雀圖描雪樹深。  
不及午山長在眼，一彎蛾綠照煙潯。

石梁山桂挺寒姿洞號天生勢絕奇靈草何人搜藥鑷紫泥  
猶可勦陶資

赤水曾磨寶劍寒至今鐵汁染清瀾何如葛阜尋仙蹟砂磔  
漫山盡化丹

龍宮別墅望瓏玲螺洞穹旋掩石屏九日壺觴如可挈登高  
更上望湖亭

徐立本

字子堅號誠菴德清人道光丙午舉人官江蘇南匯知縣著詞律拾遺

望海烈婦廟

束髮觀書史璇閨仰令望貧難辭困屣身可植綱常於此瞻  
祠宇重爲爇瓣香貞珉高百尺千載發幽光

陰平早發

雞聲未報整行旌鄒魯名區第一程宿霧濃遮燈影淡曉霜

涼逼月華清塵飛大野吹無迹冰裂長河聽有聲爲道前途  
春色好衝寒嶺上早梅生

徐時棟

字定宇號柳泉又號同叔鄞人道光丙午舉人官內閣中書著煙嶼樓文集四十卷煙嶼樓詩集十

卷八

縣志時棟故居曰煙嶼樓藏書六萬卷盡發而讀之自  
夜徹曉丹黃不去手其論經取先秦之說以經解經旁  
及諸子引爲疏證無漢宋門戶之習其論史獨推史遷  
班范以下則條舉而糾之留心文獻刻四明宋元六志  
補闕訂訛允稱善本他所撰著凡三十餘種兩遭兵火  
散佚殆盡搆新宅城西時復憶錄然不能什四五矣文  
章宏深博偉入韓柳之室詩亦浩落自喜後  
進高材生成其門主四明壇坫三十餘年  
孫德祖曰師生于前代慕蘇文忠子  
國朝慕紀文達詩古文辭一以辭達爲主而長于以文言  
道俗情新樂府動輒千言紀事仿焦仲卿妻木蘭二詩  
當少陵詩史五言古詩如哭伯兄醒木哭朱鏡湖諸作  
至性至情可歌可泣惜文多不能備錄師好聚書余以  
同治己巳與修鄞志方就師新居水北閣開書局得見  
所藏無慮六萬卷無勿手自點勘者嘗欲畢經年之力  
寫其目錄而未敢竊聞師故居烟嶼樓藏書不亞于是

以校刻宋元四明六志聘某君館之于家某君遣火燬其居舉付一炬師委之于數豪無帶芥遇某君如初年四十未有子即立兄子隆壽為嗣為文告祖父略云他日幸而有所生必以壽為適長越十有九年遂有子隆籌師旋捐館壽撫其弟逾于同胞此二事人情所難吾師學行胥得以達之一字賅之矣董沛曰舍人詩以樂府七古為最渾灑流轉中仍復段落分明不失古法次則五律次則五古並稱傳作餘體亦清勁吾郡諸名家洵足自樹一幟

臨高臺

有序

守署大門外左右各有高臺所以懸法者也西夷既入郡城其首據署居之有所謂郭爺者日高坐左臺上理詞訟鄉愚就愬冤抑焉

臨高臺郭爺來爾有冤抑訴郭爺通華語識華字郭爺真奇才一解大事一牛小事一雞為爾判斷下筆捷于飛南山可動此案不可移二解臺上肅肅臺下簇簇衙無胥案無牘自來官



府斷事不如郭爺速

解三

臺下邊呼奇冤不知何許男子到家

橫索錢郭爺聞之無一言攜杖下臺走踟躕俄頃牽來縛臺

前袒其背五十鞭呼冤之人大喜歡歸家縛得雙雞獻青天

四有時郭爺獨自坐臺邊看者繁且夥忽見郭爺取紙親擘

捲磨墨舐筆亂塗寫中言大官太欺我燒我奇貨千百舸許

我白銀不肯償但乞一半終不可使我今日至此誰賈禍須

至告白者書成挂臺下臺下有人誦讀之乞假郭爺紙筆鈔

其詞郭爺見此笑嘻嘻懷中出麥餅勸爾試嘗之

解五

郭爺來

有事無事臨高臺昨日野老一過得見郭爺歸家歎息心悲

哀我有長官安在哉

解六

### 飛雲

飛雲過嶺快馬難追自言迅速淵水笑之

解一

茹芝餌黃長生

堅固敲鉤作鍼不能縫布解二山雞窈窕愛其羽毛華衣鮮食

難為錢刀解三上有青天下有海門游魚戲水不知報恩解四

題徐將軍慶超春波滌硯圖

海島蒼蒼海風黑將軍入海手擒賊磨崖笑勒燕然銘江山  
坐鎮風流伯幕府畫靜如蕭齋墨花點滴沁官階健兒抱紙  
帳前立將軍脫帽方神來蛛絲馬跡徒區區將軍能作一丈  
書卻召畫師寫真意寫作春波滌硯圖自歸道山十五年傳  
家季子能象賢浙東將軍舊鎮地薄宦來此搜新編帶刀殺  
賊名將功潑墨揮毫儒將風即今海外風波惡披圖尚思將  
軍忠

孤兒行

孤兒生命一何苦什伯成羣作囚虜孤兒命苦兒不苦孤兒

各有母與父父母看兒如掌珠飢食肉糜寒衣襦忽遭喪亂  
抱兒走相逢狹巷被牽驅男爲役夫女爲妻奪兒懷中兒哀  
嘯大兒十歲小六七隊隊抱上城樓棲城西酒傭舊相識昨  
來山中面黧黑爲言身經十日俘繫在城樓餉兒食羣兒哀  
嘯聲聲續哀極聲低音亦促每當嘯急不忍聽一呼賊來無  
敢哭此時景狀尤慘然不知賊復何心肝西城去此七十里  
嘯聲猶在吾耳邊吁嗟乎嚴陵昔歲賊虜至十歲小兒都棄  
置當時收刺懵懂軍其最少年十一二賊犯嚴衛時收十一  
謂之懵懂兵是時吾友宋仲穆殉節壽昌第六子宗槩而今  
以十三歲被掠第七子宗泉年十一詭云九歲得免而今  
網羅及么膺破巢下更無完卵乳臭小兒何罪辜一朝羈縶  
搜天禍城樓百尺高入雲黑雲低壓城樓昏上有青天黃  
口哭聲如雷天不聞

步月山行投宿寶嚴寺

雲山疊疊氣蕭蕭，薄醉扶人過石橋。  
萬壑秋聲風似雨，一天夜色月如潮。  
到門院寂僧初定，下榻房空鼠亦驕。  
明日芒鞋穿嶺去，墓廬前更有禪寮。

山莊之前有金巖寺甚小

山寶嚴而入踰戴公嶺爲黃輿先義行墓在焉墓東南爲旌義山莊

美女妖且閑 有序

賊目黃呈忠據甯波聘袁氏養女爲妻及門而轎不能入毀垣入又不能升其堂倉卒納女堂階下復自穴隙出袁氏門故高大容軒馬是日賊黨迎女者幾千人皆瞠目流汗咄嗟有駭色其夜火起屋爲灰燼僉曰太常父子之靈也余謂此實宋季殉節進士天與先生諱鏞義憤之氣積六百年無改其英爽以有

此靈異太常父子蓋受命而與其聞耳揖盜爲壻事  
不足以汗吾筆而其先人之赫聲濯靈不可誣也卽  
事歌詠之備始末焉得十解百韻取子建詩爲首語  
遂以名篇

美女妖且閑生長城中央父死母更嫁嫁在城西廂赫赫忠

臣裔

先生死無諡僉稱忠臣公明季林氏謂諡忠定不足據也

義義柳莊坊

太常名瑛柳莊其自號坊

在所居之前

阿女隨阿母來依袁家郎女謂他人父母作新嫁娘

一解阿女好顏色鬢髮黝且長明眸善巧笑眄睐流輝光朝朝

塗膏澤夜夜紅粉妝盈盈下階除步步生芬芳但得見此女

心醉神顛狂飢者忘餐飯渴者忘酒漿豔聲播閭里妙年無

姑嫜

二解

可憐歲在酉大盜亂海疆兜鍪與貂蟬棄城而逃亡

婦女爲俘虜男兒攫鋒鏑渠魁入官府羣醜據民房馳報金

陵賊封之爲戴王開筵陳百戲羣醜來遑遑前賀抱腰膝見

其頭目齊進千歲觴呈忠爲封戴千歲志驕縱乃覺心傍徨

禮如此顧謂羣醜言知否我中藏夜來意不樂後宮無嬪嬙軍帥前

陳詞城西有姬姜嬌好無倫比流麗亦端莊且是大家女卑

職知其詳賊所爲授軍帥師帥旅但恐千歲尊門戶不相當

渠魁得聞之喜笑心陽陽顧謂軍帥言爲我往商量今我非

諸弟賊呼其下無安用復摟攘言詞倘有緣好爲我聘將三

時日大吉利納幣何輝煌軍帥裹紅巾健兒扛朱箱箱上何

所有歷歷皆鋪張黃金間白玉錦段雜明璫籠中盛鵝鴨案

上列豬羊綵旗泥金字字字吉與昌大兒負筐筐小兒荷橐

囊旣入袁家門道路還相望阿母大歡喜阿父樂徜徉回頭

語軍帥物物非尋常軍帥謂阿父富貴無相忘四忠臣得聞

兩浙輜軒續錄 卷四十 徐時棟 十

之赫怒召孫行太常及尙寶祠中紛趨躄尙寶名忠徹太常子也父子皆以善

相名永疇昔十七人同時為國殤自公有召命顛倒其衣裳

樂聞忠臣殉國難時其家人方上墓歸舟聞變妻妾子忠臣太息

婦同赴水死者十七人其僕抱幼子匿墓間以免言劫運在梓桑畏偏幸苟免孫枝胡荒唐彼女非族類聽之

歸虎狼奈何瞰我室恣意為翱翔聊用示懲戒使彼心驚惶

五解於是娶女吉盈門聲洋洋沸騰撼山谷人語雜笙簧軒車

將入門役夫忽踣僵百計不得入但見門將將遲久更無奈

停車毀垣牆以車鑽穴隙役夫亦踉蹌齊聲復狂叫倒行足

動勦各各不自由焉能升其堂此時逆女者千夫氣軒昂殺

人如刈草治鬼無奇方倉卒取女去流汗行俛俛六忠臣怒

不已騎箕排天闔稽首瑤墀前抗疏奏天皇帝盜為婚媾臣

孫信不良汗穢臣家室種種都不祥焉用此門戶而貽孫子

殃天皇詔祝融隨之下帝鄉是日始昏暮天風狂扇殿忽見

一星火飛上袁家梁俄頃烈具舉邃室延修廊羣醜圖撲滅

折足空奔忙賊之據守西門外者以袁氏火竭力相救或折其足朝見巨第宅暮見瓦

礫場東家與西鄰連薨接榱宋明明分界畫毫髮無焦傷有

鏑鳴者與袁氏比屋而居為余言是夜之火神異如此七解 美女入軍中誰云氣不揚低

眉學菩薩怒目成金剛朝朝飲人血夜夜食心腸持刀能自

舞騎馬那用纏纖手弄雙彈轉丸如蛭蝮昔時何柔媚今時

何倔強昔時何窈窕今時何披猖昔為寇與讐今為鴛與鴦

八鴛鴦能幾時日出銷冰霜西人助

王師大江排餘艘巨礮隔城入閃閃飛帆檣渠魁無人色棄

城走倉黃此女亦馬上隨奔城南塘有人見此女短衣青襖

襦不知更何往流淚盈兩眶九解 阿父與阿母相對兩茫茫豈



料霎時夢曾未熟黃梁此恥何時雪此恨何人償俄聞前長  
 官還來守城隍募勇為防戍無以裹餼糧下令治黨與倒彼  
 橐中裝健役捕三帥罰鍰繫銀鐺聞之大駭鯨局促如蠶蠅  
 阿母匿複壁阿父竄遐荒死難見宗祖生難逃王章嫁女得  
 此禍不如棄路傍十解

侏儒問修人

侏儒問修人天高高胡底修人謝不知侏儒怨欺已一解侯家  
 大富貴金屋玉為牀峩冠博帶人滿腹皆文章二解新自長安  
 來高坐話長安座有長安子唾笑無一言三解

當將進酒

天上極樂國奈無酒漿所以神仙沽酒餘杭一解地有酒泉郡  
 福祿縣之首飲酒得福不飲何有二解養生書汗牛不見長生

人今天可上地上安得民解三 蜉蝣龜鶴其此死生不如飲酒

樂我友朋解四 口可以飲不可以言有言將出與酒同咽解五 今

日何日今夕何夕歡樂無央有酒在側解六

### 反將進酒

酌酒上堂壽我千觴無多酌我我乃酒狂解一 天寒衣單手交

其肩納手肩凍掩肩手寒解二 跪進千金不我肯受窮交厭人

索我升斗解三 兄弟白髮兩不知心握手片語乃稱知音解四 有

酒不醉如癡人何有酒欲醉將奈君何解五

### 門有車馬客

野花滿谷顧盼自奇芳蘭當門鋤而去之解一 昨日見我箕踞

在堂今時相見再拜奉觴解二 生不自彊輒軻苦辛出門氣短

何為賤貧解三 衡門之子生不知憂樂哉逍遙我無所求解四

寄四弟子舟京都

客從都中來寄我，都中書書言加餐。飯堂上大歡，娛客言弟安。樂無異家中，居聽客述弟事意。氣猶未除科頭嬾，見客處世無乃疏。容悅固足鄙傲岸，亦可虞。吾言倘不信，同好多在都。試復問同好處，世當何如。

無題

夜半叩縣門，有丞登縣堂。自言公事急，相見神張皇。夫男負耒耜，婦女執懿筐。年年二三月，憐彼愚民忙。何不休蠶績，遲之天降霜。此時農事畢，禾稼皆登場。縣官答縣丞，公謀則旣臧。可惜正冬日，無地采榆桑。逡巡辭縣官，長揖心怏怏。叶大才不肯用此丞，非尋常。

雜詩

巢燕哺羣兒不念雛雞渴雞長燕無恩仰母聲節節萬物各  
自愛誰能等秦越養子需人謀生理自茲絕

一紙畫千人狀貌多髣髴出門行萬里所見盡區別茅檐負  
冬暄禪中捉蠚蝨彼亦貌不同但我不能察

敗堵愁狂風何不造夏屋斗米三千錢何不食肥肉觸熱對  
我語自言知心腹憂來無斷時攤我囊書讀

誰家窈窕子汲水贈雨師殷勤意良美道遠莫致之村煙自  
云厚上與雲爭飛浮雲蔽明月眾怨風不知

隋珠易兒餅失餅嬰兒嘯酒徒不愛名賈客不願歸閉戶事  
迹作動言知音稀生人各有欲我是人豈非

久居思作客出門思故鄉兩心互相易可以解悲傷出谷無  
靜雲點水無凝霜秉燭事夜遊不如候晨光

畫馬行

有序

全太史作其先侍御畫馬記其略曰侍御諱美閑小字駒郎非堂先生之子陸大行文虎之壻畫馬入神品始寶藍本松雪國難後諱之或不知而及之則叱曰爾惡知吾馬吾所師者宋遺民龔聖子父子之馬也其實聖子之馬世無傳者侍御特重其人而已嗣是遂祕不示人或盛稱聖子爲人以及其畫輒欣然出得意之筆以贈而箱篋所貯有出松雪者悉焚之以從戎江上累授侍御監軍其後奔走山海思與諸遺民起事康熙壬寅被逮明年死省獄中所著百尺西樓集無存者而所畫亦希矣夫人陸氏最孝亦工繪事每侍御畫馬夫人從旁爲布景太史之記如此

道光丙申余至張氏忽於壁頭見侍御畫馬爲之驚  
歎馬凡五匹或立或臥或奔或逐皆雄俊有奇氣而  
丹楓數樹特姿媚娟秀蓋其夫人筆也於是距侍御  
之卒一百七十有餘年矣紙本完好光彩如新忠臣  
義士之遺蹟殆有物焉呵護之者顧主人不甚愛惜  
余欲以所藏松雪馬易之而又不可爲作畫馬行題  
其端使知寶貴焉

駒郎畫馬推專門能以慧心師古人晉唐神品不易得淵源  
惟有趙王孫王孫晚節何靡靡而其畫馬良足喜豈知遭際  
忽相同於是其馬深可鄙崎嶇山海亦勞瘁聊將畫馬抒坎  
軻何人尙稱松雪翁乃以故吾例今我謂我此畫堪亂眞旁  
觀嘖嘖駒郎嗔曰爾惡知吾畫馬我所師者龔遺民遺民不

肯畫驚駘天曹下取天馬來人閒塵濁那得有先生之言欺  
人哉願其畫馬雖不傳其畫馬法吾能言駒郎隔世稱私淑  
想其畫法當復然酒酣耳熱呼兒急命兒撲地如馬立鋪紙  
卻作唐馬圖潑墨淋漓兒背溼狂風驟雨筆不已擺脫一切  
空摹擬須臾寫出雄俊姿擲筆大笑兒亦起駒郎有兒非凡  
數先生子名宗然亦有高節嘗搜刻其外祖環堵集亦見太史記中閨中況有同心助吮筆  
看郎畫馬成胭脂來畫馬邊樹青枝紅葉娟不俗此樹何如  
管姬竹樹邊一馬獨嘶風兩馬寢立兩奔逐吁嗟乎銅馬不  
出泥馬徂老驥伏櫪哀龍駒彼戀棧豆甘局促尙圖神駿胡  
爲乎遺民畫馬旣絕塵駒郎畫亦希世珍勸君慎祕此畫勿  
爲六丁取王孫畫馬筆下空有神

岔河旅夜

迢遞來相見關山路幾程行囊煩檢點低笑若平生旅柝驚  
殘夢鄉心亂別情攬裘長太息涼月正三更

苦雨

比歲遭荒歉稻苗今幸肥老農無限意日日候柴扉蝸迹壁  
頭滿鳥聲檐外稀可憐種花者還說有生機

次前韻送趙粹甫

從今日下好論文健翮摩空萬里雲合座杯飛行色動片帆  
風緊浪花分少年豪興卿知己春水長江我送君他日相思  
何處是淡煙鄉樹帶斜曛

次前韻贈陳子相

白髮燈前手我文交情兩世賦停雲謂尊甫西耕先生忽驚先輩風

流盡先生亦歸道山可使吾曹意氣分一夜清談新益友



十年名士舊徵君何時再駐湖頭馬坐看歸鴉掠暮曛

諸將

受命戎行已喪師罪臣殉節此其時絕懸何處曾逢使薄醜  
無人更貨醫天意不教全一死

國恩猶得免三危空留遺愛句東道寂寞千秋事可悲

雲臺老將本英雄名在凌煙畫象中李廣數奇逢勁敵哥舒  
師敗棄前功嘉門匹馬西風緊鄞水扁舟落日紅長樂鐘聲

太淒慘江邊歎息有村翁

夷人方在鎮海而郡東浮橋已有劫奪行貨者會余軍門自鎮海來

見之立斬無賴二人郡民始安

彩仗威儀壯矣哉鄧通千古號多財祇知海國尊官守豈料  
蠻琛釀禍胎肆市不聞秦謀戮犒牛還遣鄭商來尙臨廣坐  
談忠義莒子西門已洞開

勳名無復望前途高節依稀在月湖豈有從亡供股肉但聞  
守藏盡頭須老猶遠戍投邊徼

恩許生還見舊都廉吏口碑真不媿始終相見只迂夫

曹參

壯歲干戈勞績著暮年輔弼政刑寬匹夫遇主成功易大將  
趨朝守法難吏舍醉歌如有意見曹私諫轉無端暴秦繼世  
宜清淨宰相崇高豈備官

樊噲

吾愛將軍率性行芒碭同起未知名故宮忽短英雄氣中禁  
空留宦豎情不信斯人終寂寞果然數語壓公卿當年卮酒  
鴻門會西楚君臣膽已驚

賈誼

主上崇文治運開賈生年少洛陽來新封愛子煩公傅重爲  
蒼生老此才謀國經猷歸練達諫書磊落露風裁異時不幸  
言多中湘水長流意可哀

董仲舒

邪說爭鳴各異途謹遵轍迹是江都才非王佐通經媿家治  
春秋絕學無殿上賢良方被詔關中徵發已防胡賈生顛顛  
董生老閑散人閒兩大儒

讀桃花源記同遠香子舟

歷誌歸途矢勿諉豈眞迷卻舊桃源漁郎自記來時路太守  
前頭不肯言

雞犬桑麻隱士居桃源何必異吾廬癡心欲向漁郎問恐有  
秦人未火書

贈洪張伯同年 昌燕 有序

道光癸卯南海羅侍郎師視學浙中舉優貢六人張

伯第一而余次之其四人則沈玉士 熙齡 章采南 鑿

諸葛榴生 壽燕 金翰泉 鶴清 也其後翰皋中乙巳榜

眼采南中咸豐壬子狀元張伯中丙辰探花六人之

中而鼎甲具焉丁巳夏張伯來四明將行賦二詩贈

之非徒充太史行囊亦欲以志浙中佳話也

良工心苦選青錢臚唱蟬聯十二年自昔六人誰第一果然

衣鉢到君邊 南海師中道光壬午探花

後先持尺竝量才 翰皋以丙午典試貴州采南以乙卯典試四川 玉署仙班例早開

記取來年秋色到第三人又下蓬萊 戊午秋張伯果典試河南

讀唐史有感

突厥便橋請受盟和戎議定罷戈兵可汗朝拜新天子咫尺  
天威膽已驚

靈寶無功六馭行佞臣誅後見昇平肅宗皇帝中興日回鶻  
輸誠願助兵

病後讀雨村詩話

熙朝詩老萃雍乾漢魏三唐各本原太息此君才力薄一生  
低首只隨園

陳錫華

字小唐蕭山人道光丙午舉人揀選知縣著  
易例總龜禹貢管見春秋備說師竹齋吟藁

晨起

清晨起獨坐任意抽書讀尋思了無端棄書步林陸愁雲暗  
前渡悲風號古木野老時一逢相語非心腹自非阮籍狂敢  
效窮途哭人生天地閒有如癡蕉鹿我欲析此疑一就季主

卜

周申緒

字松齡號保甫諸暨人道光丙午舉人

趙敬勝曰咸豐辛酉申緒避亂入山為賊所得大罵之遇害

秋日書懷

桂殘菊放嫩寒天容易秋風景物遷處世但知心似水封侯未得面如田登高興逸憑雙屐習靜身孤託一瓊羨殺鸚鴻毛翮健乘時直上路三千

盧錫疇

字奇芬黃巖人道光丙午舉人官安吉教諭著兩一居士囊

縣志錫疇性孝友口不言人過能詩古文詞務為有用之學咸豐十一年寇警錫疇集團兵遣門生故舊守茅坪趙前庵大邵黃巖溪諸隘自扼義城嶺同治元年四月賊退土寇騰發錫疇力疾強起約民團以禦鄉里賴之卒贈國子監助教蔭一子入監讀書以縣主簿用

早起赴雁蕩書館

曙色開天際征夫度曉關此行無健僕相對有名山流水荒  
村急孤雲遠袖閒窮通不須問飛鳥已知還

過謝公嶺

謝公宿何處遺跡不堪尋一世異朝市茲山獨古今巖花雜  
春草澗水和鳴禽我亦探奇客悠然得會心

朱允成

字子欽號芷卿金華人道光丙午舉人官兵部郎中著強恕齋詩草

金華續錄咸豐間子欽投筆從戎曾文正公奏保知府未展其才卒於軍士論惜之著有古文日鈔讀史取則

大風泊湖口望石鐘山不得登

有風不可行有山不得登馮夷怒號山鬼笑豎儒意氣空縱  
橫南舟停橈北舟阻江心老蛟晝起舞石鐘為我鳴不平欲  
往聽之隔遙浦三年漂泊無定所一日蹉跎詎為苦同舟估  
客老風波甯睡無言日停午

鴉尾行

老鴉飛影照秋水二人作船翦鴉尾江湖空闊煙樹稀天邊  
水邊勝聲起龍驤萬斛鷁首高鴉尾出沒隨風濤鴉尾鴉尾  
相銜接日日往來送行客我來北風發吳城鴉尾一日兼兩  
程更輕於蘆小於鳥煙波卻憶故鄉好

聞官軍下婺州喜作

久飢不思食久客不思歸吞聲絕返顧三載肝腸摧捷音突  
然至喜極翻涕洟親戚幾人在田里成蒿萊江湖阻且深奮  
身不能飛倏忽集萬感顛倒不自持風塵方頽洞翻覆安可  
知便乘破竹勢截江殲鯨鯢

華陽鎮觀練兵

江濤拍天天雨沙沙頭列卒行吹螺鼓聲碎雷旗閃電萬人



呼噪殷山河有時排列如鶴鵝有時旋繞如長蛇楚軍剽銳  
新未練齊以步伐能無譁十年戰骨紛如麻往往市人驅荷  
戈此豈足音響空谷令我感歎重咨嗟東來羽書急星火裹  
糧坐甲時無多心齊膽一身手好氣懾虎兕吞蛟鼉釜底游  
魂尙狂獠捲甲疾赴無蹉跎嗚呼捲甲疾赴無蹉跎書生擊  
楫爲高歌

大雪歌

青山慘似羈愁客一夜無眠頭盡白玉龍苦鬪天地昏海水  
吹裂鹽池翻如茶白羽聲不聞何不席卷摧妖氛鋪絮蓋野  
寒無溫空語挾纜安三軍何人排雲上天闕吹噓春風散凜  
冽天公修省罷玉戲大地廓清除粉飾羲和推輪東方出

弔練夫人墓

三軍法爲私恩縱二將才貽敵國資賴有全城遺愛在至今  
抔土繫人思松楸肅穆臨軍府苔蘚荒涼訪墓碑下邑頻年  
苦兵燹魂歸華表可勝悲

方毓瑞

一名辛字雲巖桐廬人道光丙午舉人

桐溪耆隱集君少有雋才學使羅公試以大成殿賦君用魯靈光殿賦原韻時年僅十六耳工屬儷詞警敏無滯咸豐辛酉冬桐廬陷罵賊不屈手刃數賊而死

合江亭

滾滾江流直接天風亭閒望水澄鮮半生學劒身何用九轉  
成丹事或然折柳時時聞短笛憑闌可可見歸船丈夫憂樂  
關天下不藉瑤芝與駐年

謝皋羽竹如意歌

松風謾謾吹村陽落日低徊當澗戶竹石聲兼杜宇悲千載

西臺泣舉羽偏安殘局已陵谷勤王師孰摧強虜油幕晚餘  
丞相客寒鴉汐社增悽楚燕臺何處更招魂朱鳥一聲關塞  
苦手持如意浩然嘆淚滴空山溼蘭杜此竹柯亭笛不如霜  
筠豈作王戎塵侯剛木斗段公笏力士鐵椎正平鼓吁嗟魂  
兮不歸來樹映滄江苔蘚古寒泉一勺酌荒祠起折山花爲  
公舞

錢武肅王錦樹歌

人生快意當何如衣錦晝行良不虛輝生草木餘杭陌塔照  
金塗日色餘天目之山垂兩乳時來霸氣山川舒篤生英傑  
樹宏績夢占腸遶閭門居霜明一劔開雄鎮山越餘孽資驅  
除終收版籍納炎宋慶流苗裔鏘瓊裾當時還鄉宴父老錦  
袍玉帶輝田廬檢點昔年游釣處溪光山色迎朱輿王周覽

之暢然喜以錦裏樹示耕漁里人相視盡懽躍烟林綺麗如  
春初後車想載羅昭諫授簡爲咏張其閭至今村老頌嘉樹  
繇厯子姓還緋魚

遊虎阜

天繪靈奇映碧波捨舟登眺定如何石經履迹苔花少碑列  
亭陰薜字多紺宇香臺煙不散劔池寒水鏡新磨二何舊隱  
平蕪裏可有題名許手摩

梁處士何求及弟允俱隱此山

江村

江上碧雲生蒼蒼葭菼暮村落舍夕陽客舟猶問渡我欲叩  
松扉岸荷微有路獨立詠滄浪素懷寄閒鷺

旅館聞工爵

黃脰雀一名桃蟲一名女鷗一名工爵一名鷓鴣余家居時最喜養之非悅其能爾

以纖妙可愛故也萍滯遠方聞聲惻然益動離鄉之感

春風歸園林遠客結遐想日暮工爵鳴此心益惘惘我居煙  
岫側青翠時送爽適情愛微物調翰雕笈養飼以搖枝粟始  
若戀榛莽久之性乃馴似不意榆搶健鬪如報惠鼓翼復哢  
吭非如雜縣拙負茲鐘鼓享

昔者知名士意各有欣賞陸鴨羲之鵝佳話誌疇曩余獨願  
纖微嗜好不可強知更羨耀卿入夜依琴幌離家易星霜力  
薄因塵鞅紆軫嘆旅情篠驂念吾黨聞聲愈悽懷曷以慰搖  
蕩昔聞雕陵鵲忽感周之類何時心暢然快意同鶻放與爾  
安藩籬樂此春盎盎

春日湖行觀水鄉風景

鴨頭綠水泛輕舟兩岸人家枕碧流暖入春波爭放鴨翠深  
煙樹未鳴鳩菱蘆處處編魚鱗楊柳依依拂酒樓此地好將

圖畫寫徐黃妙趣筆端收

固碑

千秋霜氣寂江東猶有殘碑寄此中  
薛字宛披銅鼓篆英聲  
空付土囊風錯疑立石祥堪恃  
豈料環榴數已窮  
休說秦王

誇瑞應國山正與嶧山同

陶慶仍

號安軒會稽人道光丙午順天舉人江西候補知府著強恕堂古文十二卷粵鄂游艸三卷

孫德祖撰墓表公由教習用知縣初署萬年鄰封羣不  
逞方蠶起應賊縣東鄉有蠢動者公擒其魁而撫定之  
浮梁安仁多誅夷萬年獨安堵歲饑勸富人無過羅已  
乃勸社倉手書條教五事士民用勸石家榻置一通公  
故工書民閒兼重其墨蹟也理民事竟日坐堂皇嗣至  
立判春夏必行野課農作路有爭者輒假農家矮几為  
便坐就決焉代去民扶攜送之或踰境不忍分他日幕  
客沈君經其地居人爭要問令君安否至經月不成行  
後署餘干與萬年接壤萬年民不直于長猶有越境赴  
訴者撫州守林福祥師潰入縣境方張虛捷入告公密  
陳林不可恃狀于當事林荐至浙藩卒以撓敗伏法公  
嘗練民保境羅忠節沈文肅並嘆異之母憂歸曾文正

沈文肅交章調赴行營歷保至知府最後掣驗宜昌行  
鹽興利除弊積十餘年清慎勤如一曰其卒也舊治兩  
縣民皆巷哭並請祀名宦童年嘗封股療父疾家居于  
兄弟食息必共叔弟殉難安徽爾足戎馬間親反其孤  
撫如己出俸入徧資羣從婚  
嫁飲食服御不改儒素也

潤州道中

江光如雪卸征駒  
瑟瑟輕帆入蔣菰  
身世浮沈戎幕慣  
乾坤浩蕩客星孤  
寒原黃葉霜初下  
故壘青燐骨半枯  
太息縣華消歇盡  
鄉園松菊久荒蕪

得娛園書并媵長句戲效其體寄荅

故人招隱寄新詩  
爲道田園樂不支  
尺鯁茅洋剛入釣  
葺茶葛嶺已開旗  
津梁自笑空皮骨  
猿鶴遙知有怨思  
飄泊滄江歸未得  
與君聊作十年期

吳受藻

字懶蘅仁和人道光丙午  
優貢考取入旗官學教習

浙江忠義錄受漢生有夙慧長而淹貫羣籍擅能文蜂  
工書入唐人之宰威豐十一年仲冬賊圍城急受漢憂  
憤不食大署其門曰吳某全家死此比  
城陷賊至其家受漢厲聲罵賊被戕

鹽官被擾挈眷避難蕭山朱萊雲志成學署

結習難除笑我曹纔辭鋒鏑便抽毫一天毒霧荒城火二月  
驚風大海濤離亂險於逃虎口死生輕似擲鴻毛此行幸借  
衙齋住且酌新芻飯冷淘

自歎

自歎平生一腐儒近遭時難復何如一錢不值文章賤四十  
無聞仕宦疏豈有盛名驚海內愧無清況託林居窮通未卜  
天方醉得趁餘閒且讀書

題茗溪漁隱圖

不隱山林不市朝閒漁生計足逍遙邇來新買瓜皮艇愛向



白蘋洲畔搖

茗溪霽溪上下流風風雨雨雙拍浮獨攜笻筇過湖去白塔  
紅亭相向秋

箬酒一杯傾竹葉鱖魚三尺胃桃花得魚沽酒樂復樂醉臥  
不知溪月斜

笠簷蓑袂稱平生如此煙波最繫情我亦扁舟來往慣一陂

春水湖鷗盟

胡孝棠

字憩伯鎮海人道光丙午優貢官武義教諭

戊午賊犯武義湯生雨亭殉難

龍戰元黃尾陽九赤眉青犢縱橫走郡邑摧殘同拉朽文恬  
武嬉盡木偶或潛身遁或束手倉皇走若喪家狗賸有危城  
大如斗風聲鶴唳無人守生也聞之氣怒吼拔劍斫地呼負

負

國恩養士深且厚一朝委棄等敝帚草閒求活殊可醜若輩  
任爲我則否呼弟涕泣奉父母出門慷慨別親友大罵蟻賊  
不絕口刀鋸在前鼎鑊後死何足懼引頸受常山之舌文山  
首身即可殺名自壽彼何人斯印在肘捫心奚以對我  
后吁嗟噫嘻奚以對我

后

秋郊晚眺

秋意已如許深居尙未知今來城外路添得畫中詩水木清  
華氣煙嵐淡蕩姿知予遊興愜落日故遲遲

王汝槐

號小石杭郡廩生

丁丙曰小石有聲巽序授徒甚眾仲子以慶道光己酉登拔萃科辛酉與子以庸同殉難

胡孝棠王汝槐徐道生

三

紅芙蓉

百花開盡木蓮生費煞胭脂畫不成  
曉日半窗王儉幕晚霞  
十里曼卿城遲借圃菊猶爭豔  
醉約江楓未解醒供養膽瓶  
堪作伴紅妝十五正盈盈

徐道生

字伊樂杭郡諸生

杭郡詩三輯伊樂為胡書農學士姪  
婿與次瑤季權時有倡和辛酉殉難

湖上初秋四詠

回文

弓弓步履畫廊西帶露芳心捧點犀  
風曉度時開並蒂月秋  
圓處采柔荑紅湖鏡影花如面  
碧縷煙痕水拍隄東向柳條  
千樹玉瓏玲譜曲豔昏迷

采蓮

波澄碧浦畫橈停弱蔓絲攀帖帖青  
多刺綠芒含鏡月落花  
紅暈點池星歌聲曼和低舳扣水國  
香生豔曲聽何若泛舟

輕比葉羅羅遠翠浥鷗汀

宋 蔣

纖纖手映玉娟娟  
扇比柔還鈿比圓  
黏粲翠紋波溼濺  
散錢鷺眼柳勻穿  
匳晶晃影搖闌鳴  
浪縠拏花插鬢蟬  
添興逸尋秋浦曲  
簾如水更藕如船

宋 嶺

綃輕裏似斛量珠  
配酒生來俊味腴  
嬌比麝囊紉錦帶  
滑凝酥乳掩羅襦  
宵涼孕采珠含蚌  
水滌澄光月印湖  
橋外隄沙隄外浦  
蕭蕭冷影颭蔣菰

宋 茨

### 擬勸農詞

杏花菖葉近清明  
聽遍林間布穀聲  
五日一風十日雨  
太平時節好躬耕

不須新柳舞纖腰  
不愛桃花醜面嬌  
十里平疇方罨畫  
麥苗種罷種桑苗

青旂一色淨纖埃東陌西阡去復回長吏勸農還勸士荷鋤  
相約帶經來

一片春陰下鋪時龍鱗原隰日遲遲采風若絮迴車贈無逸  
篇章七月詩

陳旭彩

字治雲錢塘附貢官江蘇嘉定知縣著聽桐室詩鈔

掘港見舊友李小牧

昔年共聽雲閒鶴今日來尋海上鷗十載以前同少壯九州  
之內等牢愁陳琳到處仍爲客李廣何緣竟不侯聞說浙西  
烽火急故鄉方切杞人憂

吳承恩

字筱垞錢塘諸生著環碧山房吟草

杭郡詩三輯筱垞丰姿倜儻  
中年遠爾祖謝時論惜之

留下訪沈石渠濱不遇

知君何處去滿徑白雲深不就酒家飲定從田父吟琴書尋  
樂事山水領清音獨自駕言返悠然感客心

本覺寺訪東坡三過題詩處

鶴去雲歸事已空寺門猶照夕陽紅文章玉局懷坡老香火  
蒲團證遠公掃徑但橫修竹影繙經徐送落花風不知此日  
題詩客誰是青紗壁上籠

夏日雜詩借周伯孫蘭張五雲兆金同賦

北風吹雨走輕雷石徑煙濃掃不開滿院綠陰涼似水芭蕉  
葉上送秋來

柳下人家傍水居暮蟬聲裏上燈初芒鞋踏月過橋去獨立  
晚風看釣魚

姚體崇字小歐錢塘諸生

著醉月籠詩藁

朱大勳曰小歐學於虞山吳壽之吳乃天真閣弟子也又從其叔破庵比部遊學益進書畫俱稱能品許濂祥曰小歐天才卓越書法米襄陽畫宗黃大痴尤精輿地音律之學著輿地補遺音律訂訛遭亂稿本散佚詩不多作亦有可傳者

### 望九龍山

掛得征帆去綠波深復深春風驕柳色夜雨碎詩心欲遣愁  
干斛聊將酒獨斟九龍雲外見明日試登臨

### 書青豆山房集後

有籀石先生評

清極秋爲氣斯人賈孟同湖山工醞釀詩酒苦陶鎔孤鶴唳  
遙夜白雲橫太空知音惟籀石拜倒草堂中

### 理安寺訪消谿上人不遇

谿坳澗曲亂峯回放眼雲霞聚一堆樹影忽遮山色去松濤  
疑作雨聲來泉能滌俗烹新茗僧解留賓倒舊醅惆悵前緣

慳一笑夕陽亭畔且徘徊

甲子暮春遊南翔漪園

副爲李長蘅先生故宅

劫後名園喜未荒尙餘喬木鬱蒼蒼  
媽紅花逐三春去飛白

竹搖萬个香地是先人曾管領

先君子道光九年署理南翔分防篆

天留一老

話滄桑

有遺老尙能憶先君當年政蹟

檀園遺蹟銷磨盡誰繼高風翰墨場

丙寅秋暮約同人遊虞山自桃源湖至維摩觀海並登

劍門戲作長歌

秦王鞭石山海驚海雲亂捲青山行  
忽然一拳不肯走化作青牛突壓虞陽城  
鰍生好山如愛畫不入深山心不快  
一聲長嘯來山中千樹萬樹秋林紅  
小橋流水穿石骨蜿蜒一道飛長虹  
一峰忽伏一峰起尋幽直到白雲裏  
白雲遮寺不知門隔林但聞雞犬喧  
山僧導我瞰江海海天一色青無痕拍



案大叫稱奇絕山僧更爲從頭說劒門拂水西山西濺珠噴  
玉山爲裂我聞斯言興再鼓攀蘿捫葛不知苦老木糾虬臥  
作獅怪石峻嶒怒如虎行行忽到青山腰石梁下注聲喧濤  
東風一拂水飛逆沾衣欲溼風瀟瀟山凹下壓勢何崔嵬五  
丁一劒砮然中開仙乎仙乎呼不止腕底鉤勒誰如是非董  
非巨非荆關但見巨石奇怪狀羅列蹲山巔我來痛飲百壺  
酒臨風大呼黃子久安得白骨起蒿萊與汝共酌黃金罍青  
天若無語明月莫相催詩成大笑不歸去海風浩浩吹衣來

破山寺

穿松行不已山闕露禪扉孤磬悠然落白雲自在飛竹搖山  
色碎泉帶雨聲肥潭影空明處流連未肯歸

瞿忠宣公古硯歌 并序

硯爲史勵齋上舍所藏上有東坡銘

君不見文信國公玉帶生墨彩上燭奎垣明又不見橋亭卜  
卦留片瓦詞人珍奇心藏寫不惟其器惟其人好古誰是知  
人者有明末造丁陽九擎天一柱推留守草論時事萬千言  
惟硯與公實左右補天無石天柱傾碧血灑作花縱橫硯也  
無言未殉葬逡巡又歷塵埃行吁嗟乎公之勳名勒竹帛公  
之精誠貫金石可憐蝸角露螢光尙有僉王肘爲掣西邨後  
人篤好古示我斯硯神色舞東坡銘句忠宣書蕉葉白帶青  
花乳憶予昔泛尙湖船手披化鶴歸來篇欲尋往蹟不復得  
東皋別墅淪荒煙喜公手澤至今留珍貴不啻瑯琳球非硯  
壽公公壽硯公耶硯耶一氣干斗牛

聽花旗國海芽犀女子彈風琴歌

兩浙輶軒續錄

卷四十

姚體崇

美

卷四十

風琴夷樂聲泠泠是誰作意矜娉婷芽犀女子剛髻齡長風  
萬里來滄溟高樓深鏤初開扇樓牕面面琉璃屏猊鑪獸炭  
霏煙馨紅塵掃盡風穿櫺嫋嫋而來誰使令草冠覆首攢珠  
丁藕絲中單織翠翎冰鮪急束寬下形長眉善暎波流螢言  
兜離兮狀竊停一匳樂器呈中庭似瑟非瑟箏非箏上排象  
版下結繩手按足踏音分明十指遞跪節奏精雙鳧互蹴輪  
牙靈初如仙馭乘雲駟鯨魚鼓浪奔雷霆忽然廉折亮以清  
孤鶴遠唳來遙汀細如珠露花閒零急如驟雨瀉高瓴我來  
海上揚吳舫偶然相值兩浮萍繁華過眼如醉醒鶯花虎阜  
空冥冥大屨忽折西沈星遂使流賊飛蝗螟瘡痍滿路嗟伶  
仃鴟鳴鬼哭難爲聽更聞塞上歌聞鈴北望淚溼春衫青安  
得天上掃欃槍我曹賭酒遊旗亭四海一家無競爭鸞歌鳳

舞俱來廷

張燮榮

字霽園仁和人官福建鹽大使

題碧血丹心集

并序

貳尹李子馥字月樓雲南太和人讀書有奇氣恆曰

男兒當效命疆場豈可碌碌老於牖下以貲起家條

陳時事大府激賞之賊犯仙游檄往堵禦城孤援絕

力戰死黃伯穎為之徵詩林鴻年題曰碧血丹心集

上馬殺賊下馬檄封侯不到傳修期烏嘸老樹尙呼子月黑

荒亭誰哭師一戰河山成厲鬼二陵風雨捲靈旗沙場草碧

埋忠骨墮淚淒涼峴首碑

鍾

峻

字仲山海甯諸生官四川成

許淮祥曰仲山觀察少有一見奇其才倚如左右手登薦牘

以同知留閩補用旋攝福州府篆時各省行團練法議  
三丁抽一觀察條陳其弊力爭於大府議始寢又部議  
鼓鑄缺銅欲盡收民間銅器觀察又陳其弊堅請停止  
嗣因游幕省分改官西江除瑞州調守撫州地當東南  
孔道楮寇竄擾無常屢陷屢復觀察下車即為守禦計  
修城濬湟寇竄擾無常屢陷屢復觀察下車即為守禦計  
閒出奇兵斬馘無算堅持旬餘寇退孤城保全論功擢  
觀察使晉布政使銜旋授四川成縣龍茂道尋以事舉  
吏議遂歸  
徙家毘陵

### 延平舟次

箬葉低蓬取次開竹篙聲雜水如雷  
上灘波欲迎船立夾岸  
峰還送月來舵轉幾忘舟去處  
山高猶見鳥飛回一樽笑向

梢公問誰是錚錚利濟才  
紙船鐵梢  
公闕諺也

### 落葉

似嫌遮盡好斜陽獨向霜風亂落忙  
暑放清陰冬放日為誰  
辛苦護炎涼

刃劃然破公也忘身赫愈怒腸出徐將束帛纏殺賊從茲不  
反顧須臾賊盡公亦仆身仆寶刀猶在握猩紅徧地日無光  
風慘雲淒萬鬼哭誰酌寒泉土一杯滄桑往事付東流烏咽  
趙官橋下水趙官橋公殺賊處也夕陽憑弔不勝愁

朱大紳

字幼泉嘉興廬生

府志大紳家無恆產藉筆耕以養親蘭陔潔膳  
怡怡如也南海羅蘿村文俊視學時亟賞之

詠史十首錄三

痛哭陳書主不疑洛陽年少最逢時誰聯屈子爲同傳得薦  
吳公早見知半夜曾殷前席問他年定載後車隨自傷作傳  
真無狀遷謫何云有怨思賈誼

莊列荀揚語未醇江都學識貫天人微辭直揭春秋旨經術  
終非晁賈倫勵志帷曾三載下致君論定萬言陳賢良親策

書綱目得士如公信可珍董仲舒

早歲才名賦子虛九重動色歎誰如疏狂豔說臨邛市忠愛

長存諫獵書得意未逢羞自薦茂陵終老且安居遺文猶自

言封禪輸與西湖處士廬司馬相如

高均儒字伯平秀水廩貢著續東軒詩集

吳昆田撰行狀君原籍閩縣少孤性至孝幼即嗜學知治經必先識字故於小學為勤好古文主于簡質不屑詞藻為工與攻說文之日照許瀚最相契桐城蘇惇元與講學杭州邵懿辰伊樂堯與研經涇縣包世臣上元梅曾亮與論文蓋君學不求博而貴專三禮主鄭康成故自號鄭齋而篤守程朱之學應潛齋陸稼書所尤服膺者也與人交必誠不作泛泛酬酢詩酒名士則遠之  
主杭州東城講舍講席卒年五十有八弟子私謚為孝靖先生

家叔母以舊作殘雪詩命均儒乞陳仲博繪圖因題

宿雪曜晨暉寒極燠潛伏天地本自然得句闡沕穆叔母敦

懿行餘事好詩牘佳詠抒性靈不屑累卷軸舊賦殘雪篇令我百回讀言將寫作圖聊補意未足摩詰旣云渺畫師誰絕俗我述陳君才便便五經腹游藝精六法氣韻尤所獨以此形繪事點筆含煦育大矣造化工具此方寸穀

題古詩源後

詩體代變殊工麗六朝始思巧語輒駢韻媚字成綺擷葩揚其芬對之令人喜我昔亦謂然玩味無窮已縱目博參觀儵歎詩亡矣溫柔與敦厚泯焉汨本旨點勘復及茲窮究其所以世旣如弈碁人多工倒屣山中有宰相貞白誠無比宇文氏千金虜庭偏知恥白雲屏風詩芳潔勝蘭芷其餘絕妙詞腥羶實簞簞聊以語吾徒研精善繼軌千秋尙有人妍媸別黍稷



謁先墓述哀

孤孫謁祖墳四尺幸彌穴松楸掘遺阮榛莽比如櫛痛憶五  
年前奈何棄卒卒賊氛熾郡城急挈子孫出豈意賊突遭長  
子幼孫沒轉徙復經年寄淮親舊恤仲子將來淮黃巖死暴  
疾叔子贅于吳今歸欣有室敬告祖父母曾孫葆茲一葆一  
以孳生爲祖縣瓜瓞孤孫更何求守身終戰慄私幸謁祖墳  
歸期祇自述同治四年冬子月乙亥日

越一日丁丑尋堰來角里瞻仰元保山飲泣呼考妣過堰詣  
墓門徑塗與昔等上氣疾儼瘳登陟覺殊近跪拜泣陳辭兒  
歸自淮涖孫娶妻與偕曾孫女能履一家此四人多福延求  
禰兒苦六歲孤先德述由母善祿養兩虛十八年失恃今年  
五十四學仍未博依覩然襲餘慶歷劫竟不死苟生審所難

黽勉行有恥持志平暴氣庶幾疾能已展拜歲時來凜凜茲  
饗祀

張銘齋孝廉以鈔本楊園集及吳裒仲先生蘭窩雜藁  
見示用昌黎醉贈張祕書韻

拙謀昧時務夙好諮多聞知君名十稔患難始見君恤余意  
誠厚況示先哲文戔戔桐鄉笈述燦星雲缺輒燼復缺瓊  
英尙遺芬卓爾吳公子敬業昔樂羣壽命各脩短道術無區  
分著論礪今古嚴於律治軍受誦方一過醇如飲已醺文章  
由運會天地共氤氲言之必可行詎飾禮樂云此意炳千載  
學者日紛紛今覘君所嗜知味別腥葷下筆更嚴謹晒書羊  
氏裙慎占變虎豹宏聲驅蠅蚊盛友廣同志相觀德可薰鮮  
民遭酷毒乃來依先墳病疥孽莫追視草蔓難耘感君示我

意則古爲今勛時務浮雲耳朝夕瞻曦曛

竹塼藥用短鐙藥歌韻

竹塼循度不矜長瓦器焚膏綽有光遠耀張壁近置几取攜  
輕豈賦質涼猗猗億萬千个字照我劫餘書半牀借甌還甌  
昔共客今映恆輝檢殘策細檢才知讀未周凝眸甚至昧黑  
白剽浮涉獵悔在前對藥自訟不遑眠雁足鴨頭誇莫恣虛  
心直節干霄翠作藥猶得傍書帷炯戒毋爲古人棄

程光熊

字遵壽嘉善·恩貢官富陽  
訓導著知足知不足齋詩鈔

府志光熊訓士勵學工篆隸  
旁通醫術著有篆隸指掌

秋日游仙詩

玉斧丁丁響未停何來簫管和前庭可憐絕妙霓裳曲只許

吳剛隔壁聽

昨宵王母賜流霞乘醉歸來髻半斜墮珥遺釧知幾許人閒  
開遍玉簪花

蕭應樾

字子衡號雨香海鹽恩貢著蕭齋集

耐冷譚兩香工詩賦撰蕭齋詩話十二卷採擇精美詞壇稱之

暨陽官房同泉南話舊

高騰牛斗劍光寒肯數馮驩短鋏彈鶴渚人歸牽夢寐謂花農

鱸鄉客在罄悲歡江南花月樽前賦城北溪山畫裏看豔說

六朝詞藻在吾家公子振騷壇謂子滂諸昆季

俞嗣勳

字松坪平湖歲貢著翠微軒詩稿三卷

縣志嗣勳課弟嗣烈成名友愛無間刊有同樓詩稿志和音雅得風人之遺

秋日遣興

縛茅爲屋竹成欄長此幽棲興未闌佳果正須和雨摘好花

兩浙輶軒續錄卷四十

蕭應樾俞嗣勳黃焯

三

宜向隔簾看家臨江海人稀到身在林泉夢亦安歲歲秋來  
無底事香秔已熟且加餐

贈西山隱者

空山春寂寂一鳥語芳林之子巖居久落花滿徑深有時同  
鶴步隨意坐松陰誰與相維繫超然物外心

喜蘭坪籍鄉校

科目久沿唐代典詩書原是舊家風十年問字寒窗苦可想  
鐙花此夕紅

黃

焯

字希谷桐鄉人著  
六宜樓稟六卷

許仁杰曰希谷工於賦物遺稿六卷其妻弟錢樞爲之  
刊行時在道光丙戌可謂誼篤心知戲無頭責也已

食菜口占

肉食能無鄙何如此味真齧根偏適我見色每思民春日盤

中韭秋風洛下莼御冬謀旨蓄吾亦樂吾貧

陳

字鎮衡號金坡歸安廩貢

縣志鑾多撰述仿吳江徐鉉本事詩作本事詞體例精整又嘗手輯十八家晉書左右採獲歷年乃成

焦山舊藏周鼎阮中丞以西漢定陶鼎同置焦山詩以

紀事

古鼎出成周千載昭彝器東望松寥山寶氣洪濤闕空吟二  
王詩夢想無由至試觀劉氏鼎後先媿神異榮光燭斗杓古  
色剝文織粵稽漢西京陶陵寶選置飛廉鼓橐鑰昆吾精煅  
熾夔龍刻躍翔饗饗攫噲飼金飾荷天祚玉鉉占吉利雖敦  
雜虎彝厥象美堪比激絲不足論牛豕難取類細辨婉豔文  
盤旋趨趨字流傳歷塵劫久為私家祕昔薦孝享歌今作江  
山瑞中丞雅接羅汲古有深嗜瑯邪與之眾斯篆靡不萃召

父與魯公釋文足云備傍求秦望碑上考窆石誌獵碣重鐫  
劖星娥盡撫倚遠過歐趙洪博聞似夙肄山左瀾東西喬皇  
金石誌寶物忽自陳無復泥塗棄不作汾陰求精鑿孰能偽  
爰爲校銘詞昭然列世次詞頭勒隄麋記其來所自四十有  
二文分隸工款識首上紉雙環身旁穿兩珥蓋器不相應輕  
重互軒輕土碧斑陸離鉛青點翡翠繁縟煥雲雷鬼怪驚最  
屬因與世同珍若爲焦君遺江水日東流永永鎮山寺憶昔  
漢元時戚屬亦多事五侯並驕矜七王咸縱恣維彼定陶王  
端肅敦古誼摘鼓吹洞簫多藝擅才智帝曰真類我大寶汝  
其嗣幾欲易儲君諍臣爲灑淚天聽如轉圜終令備藩位九  
重篤友愛異恩屢寵賜不以奪嫡嫌含容祛夙忤生兒繼大  
統恭皇上尊諡鑄鼎薦馨香夾室充饋食子孫永保用尊酒

伴簋貳太邱嗟淪忘九鼎飛入泗鐘虞新莽移寶器俱隕墜  
此鼎獨留存毋乃德所庇呵護煩鬼神精靈懾魑魅沈沈枯  
木堂常得重寶寄兩美其必合誰敢參異議昔聞獻廬江柏  
寢見注記風流踵前徽詞苑競鼓吹自顧非九能賦物徒滋  
愧

玉湖治春詞

風俗家家具畫船盪湖都趁賣餠天谿山到處淹留好莫任  
桃根打槳還

生小吳儂住水涯西崦山翠學修眉憑誰呼管君休笑韻事

猶傳倒好嬉

西湖枝乘云吳興里語呼誰爲管管  
夫人棲賢山人倒好嬉見水東日記

盈盈剗襪蹋陽春行過紅橋不染塵女伴相逢齊小立眾中

難認墜釵人



水嬉回首足清游惆悵芳時不少留今日風光依舊在杜郎  
重到總添愁

盛炳章

字斐然慈谿貢生官上虞訓導

袁孝子詩

事見錢塘諸以萊詩

我讀孝子之傳心暗傷五倫垂世繫人綱孝道失實迷康莊

代有至行相扶將曹娥投江楊威弭虎

漢上虞楊威與母入山采薪爲虎所逼計

不能禦急抱母且號且行虎見伏弭耳去誰與繼者孝子良苦孝子事母但求母

病瘳告天乞代涕泗流出門正欲與醫謀草堂火發氣焯焯

喜喜出出妖鳥語風卷檐茅烈具舉子婦拜神神勿許飛廉

揚揚祝融怒孝子狂奔來庭隅奮身蹈火如夷塗家人挽之

徒號呼天不生母安用此軀卒負母出體無完膚皇天后土

色黯慘千人萬人悲嘻吁嗟乎孝子之孝至此乎君不見古

風日降眞性滴慈烏墮地子抱枝紛紛習俗覩人面末流不  
易得此兒此兒袁姓名翊元世居上虞小越邨子殉母死今  
罕言我作此歌激勸存

陳

潮字嘯琴號三橋山  
陰人著題襟集

孫德祖曰君世居邑之下方橋爲山陰著姓與余宗有  
連君諸弟並以科名顯吾獨不慕榮利以詩酒自娛時  
與二三知己登山涉水分曹選韻揮灑自如文不加點  
多興至之作性曠達而有檢一室之間怡怡如也襟著  
甚富經斐不可訪矣

贈韓越洲

焚香掃地此幽居坐石看雲興有餘欲破寂寥無別事一簾  
花影半牀書

春晴

積雨滯經旬晴初景物新酒帘紅杏塢畫舫綠楊津淺草藏

兩浙軒輶續錄

卷四十

陳慥傳世

三

又又川

花鴨輕波躍錦鱗行行盤馬路多少踏青人

挹翠軒觀魚

一灣淨碧漲陂塘昨夜東風特地狂無數落花浮水面釵魚  
來往獵殘香

傅

岱

字江峯諸暨諸生

俞樾曰江峯先生以名諸生十試不售身後遺書散佚  
著述無存哲嗣振海錄其詩見示吉光片羽洵可寶也

孝子陳巧官詩

立國重忠臣居家重孝子忠臣不偷生孝子亦如是卓卓陳  
家郎采桑隨母氏遙見山寇來匿母東隰裏但得母身全何  
惜兒身死兒口守瓶如兒心鍊鐵似兒死母心慈母全兒心  
喜世間多奇兒奇兒誰有此不愧舊家鄉孝義名其里遐稽  
昔賈公苦衷堪竊比百載發幽光豈僅隆享祀堅節並精忠

名應垂

國史

宋

梁

字滌人杰弟上虞僧  
貢著湖東山房詩草

自傷

西風吹雨滿江濱處處哀音雁唳頻老柳衰於多病客秋花  
瘦亦可憐人甕無濁酒堪消悶家有藏書不療貧華髮蒙頭  
成底事荷蓑閒理釣魚綸

舟夜有感

倦臥烏篷裏淒聲聽雁過畫橈  
夢破布被疊愁多馬齒看  
如此蛾眉怨若何匣中龍劍在起坐一摩挲

夏夜南軒小坐

昏昏疑欲雨林葉暗松關月出如開霽悠然見遠山巖雲依

兩浙輶軒續錄

卷四十

宋梁

趙琛

禿

川上

樹宿源水入溪間忽憶籠中鴿今宵還未還

趙

琛

字錦漢黃巖廩生著燕石山房詩鈔

李飛英曰錦漢素工詞賦羅羅村學使觀風以蕉花賦限三百三十字命題錦漢邀特賞拔冠多士檄送詰經

精舍肄業由是名噪浙東

和李懋園出塞詩

澄海樓頭月何人夜倚闌角聲吹塞夢邊色助秋寒鹵磧雁飛遠滹沱馬渡難還憐蘇屬國持節望長安

九峯新霽

一雨青如沐迴環出遠村好山開畫障新瀑亂谿痕蘭若清生簞苔花綠到門吳公歸隱地幽討待誰論

遊石峯洞

迤邐郭西路秋光多可愛言到白雲深夕陽磬聲外列樹無

殘陰遙山送飛黛入門不見寺寺在翠微內洞天空際開混沌疑鑿碎眼前羅兒孫諸峯相向背獨有石丈人昂首青霄最涼風西南來披褐欣然對明日松巖游足力未云殆

### 石梁瀑布歌

神龍華頂不肯住掉頭飛向東溟去銀河瀉地秋濛濛平空汎出青芙蓉相傳五百應真處萬八峰高屹如故一綫危橋天際橫千山澎湃交相爭土花寒碧滑莫渡渴虹下飲山潭霧寶炬熊熊生鍊光金梁仙戲巖之旁曇花亭古雪滿地罡風絕頂吹衣袂安得身騎白鳳凰排開匹練趨天閭

### 清谿篙師行

一灘轉一灘面面山容洗一山連一山仍在灘聲裏奔流疾如鳥瞬息過百里同舟三五輩容膝差可擬篙師相戒語慎

勿輕坐起側身倘失陷冥黑不見底直從懸崖下驚魂猶未  
 已仰視飛巖聞行人細如蟻怪石撐碧空奔觸險無比嗟哉  
 名利心輕視父母體忽聞水上發大聲逆流奔挽尤難行篙  
 師聚隊累數十沙頭運力邪許爭一竿進一步前行不相顧  
 一竿腕力微更觸陽侯怒焉得神禹到此閒鑿開險巖平如  
 路今年七月入天台洪流作勢滔天來清谿之清不可辨惟  
 聞萬馬喧霆雷時值大水禁吳門留滯三旬隔慚愧青衫猶  
 作客且當散髮下滄洲此行忽近魚龍宅石佛洋百步灘惡  
 溪大小皆巉巖往往飛濤堆雪山吁嗟乎天台一水險如此  
 蜀中三峽更何似篙師篙師莫向前風波且夕恐不測不如  
 歸種鄉間田

華

棟

字松生號竹蹊文  
游從子平陽諸生

快軒詩則松生善隸書兼畫蘭竹兩游天台雁蕩  
搜奇別險成詩盈帙青蓮所謂興爲廬山發歟

### 西谷紀游

清晨出精藍振衣事攀踐入山不厭深緣溪亦忘遠怒流爭  
過峽格格雷聲碾巨石當其衝水勢分燕翦注下爲龍潭深  
黑不可辨雲開西谷西頓覺清眺展峰巒各肖形山意何高  
蹇平生邱壑心今日得纒纒試問古與今游人諒不鮮幽幽  
林泉趣領略有深淺入寺訪高僧尋碑拂蒼蘚徘徊不忍去  
寒日下西嶂

### 郡中送友

春雨勢不已客愁如草生以余留滯日兼此別離精岸柳渾  
無色烟波迴不明何當似流水千里送君行

### 客中聞雁



北風吹旅雁蕭瑟過江城歸路欲千里哀鳴到五更練礎驚  
客夢蘆管咽秋聲一種增愁思胡為尙遠征

秋思篇

芙蓉花開媚清瀾我欲涉江江水寒美人遙遙在雲端相思  
空切相見難欲理冰絃彈別鶴寒風颯颯吹幃幕罷琴惆悵  
仰天望明月正照蒹葭霜

陳毓麒

原名一麒字書伯一字書紱錢塘人道光丁未進士官翰林院編修

楊振鐫曰君幼時從父午橋通副愛其才輒於人前誇為吾家千里駒丁酉膺拔萃之選卽賦鹿鳴踰十稔甫

入詞垣未竟其用而歿

錢武肅王排衙石詩刻

表忠觀裏樵殘碣千古英名振吳越淋漓大筆髯蘇翁六百  
十字難澌滅鳳兮鳳兮雲中翱支筇直上南峰高金券玉册

胡不支臣節獨留摩崖詩篆刻屈曲蟠蛟螭字徑二寸已苔  
蝕體仿柏梁揮翰墨存一王字列首行知是當年臣下刻詩  
前更綴數行書筆妙行雲混魯魚意似郊壇爲民建并言仙  
聖此曾居我思橫槩摧堅手大星上應聯牛斗澤國東南依  
海濱海神視合同溘祐又聞建壇東青門咸池天乙西南尊  
九宮貴神我將享樂章十首今留存錢王獨兆休祥事咫尺  
焮蒿沐神賜一劔基開十四州五王四世絲昌熾愛國祈神  
本有功祝王定效三呼嵩禮成鸞鶴爭出舞再拜稽首羅臣  
工臣工共識瀾迴汐宮中又說花開陌銘功表德偉千秋至  
今尙有排衙石九疊屏風生面開兩行石耀黃金臺森如羣  
臣搢笏列禁籞肅若眾仙執簡朝蓬萊豈經神禹手鑿巨靈  
擘女媧鍊補初平叱風雨雜遝鬼神泣驅使巖訇洞砉杖排

立笑煞黃綢被底晨衙集山棱棱兮石古人遙遙兮詩傳秦  
松漢柏竟何有此詩此石長煥然吁嗟乎此詩此石長煥然  
揚其寶正當年甄

陳元鼎

字實庵號菱裳桂生孫錢塘人道光丁未進士官翰林院編修著實庵存稿

丁丙曰實庵家學淵源天才雋敏通籍後索米長安窮愁放誕時借閒情以寫孤抱既而浪迹江淮醉心風月著有同夢樓詞草黃韻甫大令稱其賦情水漾古豔天生

正月十二日雪

晨光挹清氣斗室生空明落花迎春風妙舞紛縱橫  
積將漸消朝飛亦徒盈寒望不能遠但聞簷滴聲  
養疴怯酒力排寂延詩情  
爾欣素懷慨詎賞虛景呈  
祓除繁華境頓使冷趣生  
來途屐齒滑往迹泥爪平  
毋續陽春謠薄俗難為賡

十四日復雪

玉龍戰層霄旌羽森部伍昨猶小敵怯今忽餘勇賈稍稍現  
樓臺紛紛積庭宇寒威宵漸增窮陰晝亦聚三白難愆期滕  
六過思補似從戰伐餘盪滌腥穢土獻瑞肅全疆占豐樂比  
戶羔酒興孰豪尖又吟自苦只惜踏鐙時清游阻三五

九月十七夜聞雷

已是收聲久如何又發聲豈真有餘怒作此不平鳴困欲蘇  
民氣幽宜達物情雨師方吝澤賴爾濟蒼生不雨已一月雷後始有微雨

宋肇昌

字幼海仁和人道光丁未進士官甘肅張掖知縣

許善長曰先生官隴上以苦寒疾作遂引退歸後主石門書院講席辛酉省城陷殉難僅留一律

留別石門諸友

游宦西陲興易闌歸來依舊一瓊寒畫眉試把芙蓉鏡餽口  
聊充苜蓿盤多士敢誇隨驥尾使君未免累豬肝春風八載

恩恩過素食深慚誦伐檀

張炳堃

原名瀛皋字鶴甫號鹿仙平湖人道光丁未進士官湖北督糧道著抱山樓詩錄

縣志炳堃少好學工詩文與兄金鏞齊名有雙丁二陸之目兩權糧道正供無缺而民不罷勞旋告歸天性純厚旋里後與諸兄弟朝夕聚處依依如童稚時

岔河旅店題壁

草白沙黃日又低  
墟頭那惜醉如泥  
尊前尚作江南客  
明日人煙便入齊

己巳四月病中讀東坡寄子由詩不見便同千里遠退

歸終作十年遊之句正如腹中所欲言即用蘇詩原

韻寄呈二兄五兄

無計還山且少留  
只憑書問說幽憂  
已將少壯供離別  
賸把殘年約釣遊  
聽夜雨時須對榻  
有垂楊處要登樓  
羈禽可有

歸飛意

次五兄需浩蕩惟應趁白鷗

陸秉樞

字眉生桐鄉人道光丁未進士官給事中贈光祿寺卿

府志秉樞在諫垣有言內務府召民間優伶演劇者疏

勅近習藉端獻媚大臣不知臣請案誅中西和議成極言

府城陷於賊守將逃避昌言請案誅中西和議成極言

夷情回測又疏諫京師設立夷館又再疏諫

木蘭及請復京倉舊制請懲餘姚奸民請禁候銓官假

巡幸稱親老告近與議團防獎忠節劾貪吏諸疏言皆切直

有古諫臣風縣志秉樞十三歲游庠見賞於學使陳用光為之作

修里人至今豔稱之入詞垣大考前列充己未會試同

考所得皆知名士任臺諫數年章凡數十上皆能見其

大直聲震天下同治初元奉母諱有

優詔起復赴豫營襄贊軍務遽卒于軍

救水其為人伉爽有奇氣好面覩人過而急人之難如

冷廬雜識眉生姪幼穎悟入歲學為文落筆雋敏異於

常兒道光癸巳游庠年甫十三旋於丁未入詞林乙巳

春闈後留寓京邸嘗賦都門秋思詩為

南洋車箱金  
卷四  
都門秋思

人海茫茫自溯洄，遺愁聊復一樽開。  
孤吟欲與秋聲敵，百感都隨月影來。  
未了名心休作達，慣經離恨轉生才。  
頻年書劍飄零極，不信黃金舊有臺。

麝煤燒盡雁書沈，回首鄉園思不禁。  
雲裏關山孤客夢，月中砧杵萬家心。  
生偏耐冷憐秋菊，倦卽知還愧暮禽。  
檢點寒衣更惆悵，緇塵痕比去年深。

餞花詞

留春無計儘徘徊，典盡春衣付酒杯。  
看到將離便離別，階前紅藥不須開。

芳草黏天展翠裯，殘春滋味劇酸辛。  
一杯別酒雙行淚，絕似明駝出塞人。

章倬標

字午樓號果堂金華人道光丁未進士官福建甯福糧驛道著果堂詩鈔

何璟選墓誌君三守泉州再守興化兩權道纂所至民  
切去思泉故有六里陂互四十餘里數十萬農日資以  
灌溉陂傾旱潦交困君率諸鄉通力合作隄成五十三  
鄉之民權呼載道闕下游徵糧乏鱗册吏持其兩弊百  
出南安尤甚君痛革積弊限以定數違者翁如律蠶得  
斂迹民困得蘇興化俗悍類泉而闕狼更甚時湘鄉左  
爵相宗棠勦賊回閩調馬步隊萬餘分駐各鄉以清土  
寇俘馘者日數十計君請分別治之免縱監釋無辜君  
宦京十年宦閩二十年約己以儉而待人至厚撫孤姪  
逾已出勸宗祠設義田贍戚族扶危濟急惟恐不及數  
十年如一日云

題采堇思報圖

樹木務培本飲水當思源我生愛與育此恩誓勿諉嚴君洵  
傑士器宇何軒軒嘗憶少小事涕泪向人言爲言生彌月粹  
摧北堂萱母氏既見背遺孤將安存幸賴祖慈力撫此襁中  
孫飲食兼教誨珍惜逾瑤琨零丁迄成立栽培磐石根逾長



遠服賈念茲恆廢殮冀充陸賈囊躋堂奉雞豚方謂愛日永  
熊熊若朝暉詎意年十七未報劬勞恩慈暉倏西沒抱痛晨  
與昏撫今思疇昔默默聲暗吞因思劉長盛往事例堪援繪  
圖聊見志都成墨淚痕君志雖云苦君性何獨惇况復勞王  
事冠蓋耀里門追贈及三代足慰泉下魂德報更遠大一莖  
胡足論

癸亥冬留別泉州士民

彈指春明十二秋一麾出守武榮州海濱自昔稱鄒魯文運  
於今貫斗牛敢謂珊瑚羅鐵網幸無荆棘礙官郵心期未了  
恩恩去五馬踟躕立道周

園城舊址列疏桐虎岫獅巖氣象雄北閣譚經冀有莢西山  
折獄鑑當空植松橋畔懷忠惠叢竹亭前謁晦翁名宦名儒

先後望寸心常在玉壺中

買犢何緣又買刀知方應為賦同袍強宗莫效蠻欺觸俗有

房之分 臧割 偽體難容李代桃朽骨有靈愁洗伐俗葬親數

多由此起 取骨納確不 嬰兒無語逐波濤俗多溺女捐 牛羊芻牧伊誰

責午夜尋思首屢搔

桑梓從戎橐筆行辛酉冬隨營援浙 清芬駿烈溯全城讀書恐墜先

人緒憂世常懷後樂情民俗雖頑猶尚義

君恩未報敢沽名卽今瓜代無他屬遼海應須早運杭郡城

儲粟擬仿周臺私藏之法惜未舉行而去

辛亥閏中秋

寶相憑誰玉斧脩羽衣重整廣寒遊縱經九閩團圓月猶是

平分沆瀣秋仙藥還應和露采靈楂依舊掛星浮料知對影

邀杯者此夜應登庾亮樓

項益壽

又名爾壽字少蓮鴻祚子錢塘諸生官建德訓導

許仁杰曰少蓮性冷僻好吟詩司訓睦州坐教諭牽連落職辛酉之難與賊奮鬪死於章家橋

晨出艮山門看秋景訪徐良生茂才

扁舟一棹入溪灣隔岸紅蕖隱白鷗選勝竭當圖畫裏招涼  
難得水雲閒清思慣寄三分竹曉景貪看兩面山黃葉村中

徐穉宅閒人可許叩柴關

王凝厚

字蜨莊錢塘廩生候選訓導著蜨莊詩鈔

張大昌曰蜨莊性沈默寡言笑為文捷如宿構錢楞仙掌教紫陽深激賞之辛酉殉難著有易冒纂注十卷春

秋人名地名政二卷

觀孔耳石題名用昌黎山石韻

井序

石高四尺許色黑側有大小兩穴形如人耳故名一

面左行刻十八字爲少蘊無上慧覺道人宣和癸卯  
四月辛亥同來向藏長興丁氏今歸振綺堂汪氏

一拳之石微乎微七百歲月驚雷飛狀物錫名孔耳石無斂  
瘦透徒癡肥少蘊卜居石林谷卞山幽秀游者稀劉公無言  
僧慧覺同來游歷忘朝飢主賢客雅方外逸山居避暑闕柴  
扉石林著有  
山居錄清和四月雨初霽林閒未散煙霏霏無言書法  
繼北海深鑄石骨垂範圍十有八字左行讀風饕雪虐生苔  
衣自從斲取其玩好一落故家爲人機石不能言耳能聽對  
石高歌忘言歸

### 車兒糖歌

清明時節春風香貨郎叫賣車兒糖車兒輪轉轉不已車兒  
糖來小兒喜車兒指南行小兒爭買錫車兒過東走小兒開

笑口銅鉦一擊巷三义隻輪不返斜陽斜一霎又聞獨轆轤  
紅閃玻璃映華燭車在馬前易以人老境甘蔗而勞薪佳名  
添入糖霜譜冬官亦當考工補

夏

鼎

字仲笙錢塘貢生官甯波訓導

丁丙曰仲笙性嚴毅不苟言笑咸豐十一年江蘇郡縣  
相繼淪陷道路梗塞九月以事紆道至甯波抵西興驛  
賊已徧杭州隔岸烽火相望咸勸勿進君不可入城城  
旋閉不得出乍浦都統傑公留與守武林門十一月二  
十八日城陷死之族子同善任侍講學士奏其事

賜卹如例  
錢塘懷古

鳳舞龍飛地荷花桂子天金戈開國日泥馬渡江年濤白沈  
犀弩冬青泣杜鵑山河還我否一樣委荒煙

賸有孤忠在湖山繫我思奇冤雙少保終古兩叢祠夜雨雲  
旗冷秋風石獸危墓門容展拜酌酒薦芳卮

宦迹隱居中，千秋幾寓公。山傳胥母古，亭訪客兒空。放鶴梅  
花雪，聽鶯暖樹風。四賢垂祀典，清況本來同。  
不盡句留處，青山繞郭斜。白飛龍井瀑，紅放馬塍花。壞塔空  
王刹，殘碑帝子家。滄桑無限感，古樹有寒鴉。

楊錦雯

字綱士號晚嵐錢塘諸生

許淮祥曰綱士先生性狷介工倚聲著有小蓬萊閣詞  
刻意姜周律呂叶洽戴文節沈文忠借比之楊維禎辛  
酉城陷不屈死母膝妻吳皆自經

六月十四日夜偕友湖上泛月夜半宿橫翠樓聽雨

滿湖黑浪走風聲，雨過平隄曳履行。法曲霓裳聽綽約，晚妝  
山黛見分明。把杯邀月鐙休上，話舊連牀斗易橫。爲問銷魂

詩酒客

謂韻梅

豔游何似此游清

仲學陶

字宣樓號書圃錢塘諸生

兩折首評賈錄

卷四十一

楊錦雯 仲學陶

異

下注車耳金  
仲學輅曰宣樓長於詩賦吟詠不假思索家  
寒性傲威豐未被脅於塘西丁山河不食死

### 過綠雲廢庵

石逕盤紆曲山門開向山寒花風竹掃霜果洞猿攀宇額昏  
難辨經窗破不關偶然棲句者談笑夕陽閒

落葉一庭滿閒基數畝寬藤穿碑石缺草沒井泉乾香案木  
多朽佛身金盡完樵夫來往熟仔細未曾看

紺宇何時建游經此地來高僧飛錫去野鶴帶雲回松子大  
小落山花高下開杳無人迹至到處是莓苔

蛛網懸當戶燕泥堆殿頭劇憐今夜月猶照昔時樓禪室鼠  
尋穴講堂蟲語秋淒涼鐘磬絕祇有水聲流

步步離荒寺行行過一坡林昏歸鳥集雲淨遠山多畦菜分  
青甲田禾結綠科向來愛幽勝欲去老煙蘿

程世勛

宇心梅錢塘諸生著燕支山館詩稿

譚獻曰心梅幼學多能為童子師蚤棄舉業耽詩亦善填詞哀豔多么弦側調亦境累之也壯游滬上落魄無所遇鄉非淪沒母弟繼喪佳祭客死終身一曲雉朝飛也

月皎皎

六月十八夜湖上作

月皎皎煙波渺清光十里圓銀練千尋繞露水襲人衣風枝動紅蓼蛩語太淒清棲鳥何幽杳一夜句留一夜情惟願玉輪長不曉

庚戌七月初九夜大雷雨起坐有感因作長篇贈高荔生

頃刻靈霄吹海立天公大笑鮫人泣阿香欲睡睡不成排空  
輾轉車輪急虛齋定挹三日涼碧筒倒吸清泉香紗廚寶枕  
秋氣透剔高紅燼翻青箱蛩聲唧唧吟四壁梧桐積雨流殘



滴輕魂飄入黑甜鄉一縷柔絲收不得天姥遊侶邂逅逢爲  
子指點青芙蓉如乘煙霧歸九島恍挾河漢行長空長空萬  
里雲濤靜流月半弓破金鏡照我遊神入太荒青鸞白鶴隨  
低昂我生本是無聊客中酒阻風常落魄悠悠塵夢廿餘年  
眼界長嫌滄海窄卻從此夜讖前因無限情魔一旦醒十丈  
流虹飛不住九天猛雨又相驚挑鐙獨起凝神坐細訴翛懷  
寄荔生荔生與我原同氣每恨年華靜中費爭知壯志何日  
酬寒暑頻催心欲沸君昔少年多飄泊我亦同時遭淪落自  
從買棹還故鄉酒賦琴歌共憐惜翻手爲雲覆手兩世情到  
處皆相若君不見高門大廈人多少茫茫風雨愁青草

懷王肖山

修業

昨日游湖上天光入窅冥雨餘山滴翠風定柳垂青深樹鳥

聲細石潭龍氣腥美人懷不見引領暮雲停

曉登雲林寺後樓

閒倚層樓眺煙痕一抹輕梵宮叢樹護漁艇綠波橫野鶴破雲出孤僧踏葉行歸來日亭午幾處聽鐘聲

鍾士奇

字震來錢塘諸生

高望曾曰震來工書近人中難得者鐘鼎碑版鑿別尤精辛酉城陷罵賊被戕

六月十八夜偕毛西堂裘子佛至天竺

一徑入西竺微聞鐘磬聲夜涼禪喜便心靜妙香生巖冷暑不受林陰月半明夢泉清破夢煮茗話閒情

顧恩來

原名鳳起字竹賢仁

和廩生著竹賢詩存

笄世基傳畧君工詩古文詞名篇雋句雅有晚唐風格

兩浙輶軒續錄

卷四十

鍾士奇顧恩來

辛

又又

署贖翁  
可慨也

夏日山行

林臯松風長幽人獨登眺翩翩吹衣襟浩然一舒嘯因之驅  
煩蒸靜理參可料溪聲清我心溪光寫我照於以悟真趣恍  
若得其妙極目送行雲無言看垂釣安得聞鳴琴石閒寫同  
調悠悠千古心坐對青山笑

富陽

水折帆迴到富春暮春煙靄鎖江濱不平波似銀光紙如畫  
山多荷葉敝飛鳥有情憐客夢孤雲無定滯歸人隔船喚買  
鱸魚美我正秋風賦采蓴

烏夜啼 刺時也

庭前啞啞烏夜啼窗下女兒織錦機朱絲挑斷鳳凰縷雌鳳

將雛雛欲飛幾度留雛雛不住萬里尋雛雛何處風破危巢  
大聲吼雛歸不歸我爲守不若烏生子八九猶知啄粟哺其  
母

陌上桑 感遇也

青青陌上桑灼灼園中桃朱樓半城郭春風多妖嬈但逢看  
花人不見采桑女錦帶繫明珠衣裳正楚楚此時稱腰身當  
年費機杼桃花自婀娜桑枝何離披晚來蠶上箔飼葉方祁  
祁

宋文信國公崇祀兩廡恭紀

不識仁義字讀書何所爲乾坤留正氣典祀肅清時一脈尊  
吾道千秋無異辭完人後諸葛志士有同悲

南山篇

兩浙軒輊續錄

卷四十

顧恩來

五

八

南山鬱林木猛虎居其中陰壑闕白日晝暝號腥風翳翳幾  
千里罕有人跡通深崖祕寶玉鍾乳生玲瓏太古隔陰寨居  
民但農功豈不愛奇物畏彼牙爪雄貪夫不慮死椎鑿穿衙  
齧所得亦已多所欲恣無窮側身見於菟負嵎澗之東潛蹤  
竄積莽越險迫飛蓬虎勢不可遏咆哮出溟濛一吼雞犬死  
再吼村墟空哀哉山下民枯草血殷紅虎來眾星高虎去曉  
日融貪夫懷寶去仰首望飛鴻

王將軍歌

廷鼂甯波人官游擊道光二十九年三月  
從溫處道慶廉公捕盜於台州漁山戰歿

精衛眼枯石髓老陰火燿然水氣微孤崖產蚌化作蜃蜃光  
迸石海水飛惟

皇立乍歲己酉游魚弄波蠖蝨走

聖人網開一面仁生機竝育函萬有終以沴氣干天和毓苗

翦莠臣能那建旗下視揮長戈誰歟踏浪驅龍鼉健兒身當  
百夫勇臨風奮刀精骨聳俯仰四顧旁無人獨跨長虹海潮  
湧大呼曲躍身如猿搜身直上擎攢矛機鋒倒挾勢欲旋力  
盡不退天吳愁妖光裂機石火猛毒霧激散靈神游微軀報  
國何足惜先軫歸元歸不得四旬暴骨膚如生不使驚濤沈  
毅魄負骸有子披殘氛

丹綸指日銘忠墳勛茂纛鞬何紛紛君不見效忠立節乃有  
王將軍

橫吹曲 有序

上虞宰胡生誅土寇黃春生以定變一戰而罪人斯  
得蕭牆旣安外患亦沮可謂善弭亂矣喜而奏此

赤日炎炎兮爍石而流金有狐夜鳴兮在山之陰詭讐其羣

兮匪良是侵狐兮狐兮包禍心

豺狼橫飛林之垆狐嗾其類期冥冥妖虹出谷光同熒忽東  
忽西鬼火明劫灰萬頃揚滄溟

寇揚揚師翼翼期不來機先得寇違厥援師醜其力若網斯  
張應之匪測崇朝一戰我武維克

寇喪其魄情媿嬰若獸在笄禽在羅不返其穴奔則那禾中  
之人兮奈若何伏而執之毋蹉跎

謀定若山師行若水如星之羅如指之使渠魁旣殲大患斯  
已絕其根株妖光不起宰福一方惟力是視江之涯海之浚  
徒薪曲突從茲始宰乎宰乎有如此

惆悵

小城一角海南天彌望干戈劇黯然兵信難憑愁鶴唳流民

不定尙狼煙旌旗慘澹空江外家室蒼皇落日邊杜老羌村  
何處是那堪惆悵惜殘年

沈起潤

字六芳仁和人著  
話雨草堂詩稿

詠古

長虹貫日風蕭蕭荆卿視死如鴻毛明知此事難倖邀居然  
虎口來操刀圖未窮刃先見股血淋漓滿秦殿太子泉臺不  
瞑目樊將軍抱頭顱哭

韓王已虜韓國亾韓讐未報空徬徨寸心耿耿託力士一椎  
願擊賈人子誰知博浪非沙邱天意在彼不在此張良亾命  
力士死黃石赤松笑不止

題友人手縫衣圖

寒雨打門風捲樹老烏啞啞向曙慈母倚窗挑短檠爲兒



縫衣難爲情左手持鍼右整綫凡有綻裂補綴徧願兒他鄉  
歸勿宴絲絲出母手鍼鍼上兒心欲眠不眠夜已深兒行雖  
遠兒身暖莫使征途衣帶緩任他京洛多風塵歸來待取流  
泉澣兒歸倘不早母容豈常好殷勤保護忘憂草兒歸不敢  
遲母顏如舊時長跪進母金屈卮於今慈母不再見孝子披  
圖淚如霰

落葉

爛紅殘碧最銷魂句引秋心到樹根風捲林端驚宿鳥雲飛  
天末見孤村寒山路滑僧歸寺蠟屐聲喧客到門更有使人  
愁絕處空階蕭瑟又黃昏

秋夕卽事

金風吹老白蘋洲落葉頻驚滿眼秋  
緜薄卻勝詩骨瘦酒酣

能變石腸柔不堪歸燕輕言別猶賴寒蟲替說愁贏得良宵  
好吟興銀河當戶月當樓

醉竹樓主人招晴岩丙塘諸同人飲於池上網得巨魚  
戲酌以酒復縱之池魚乃酣伏藻上良久始逝爲作

醉魚歌

醉竹主人小遊戲釣魚以酒不以餌魚亦能知主人意踴躍  
來嘗甕頭味一杯入口魚雅馴兩杯三杯魚怒噴頃刻酒色  
酣錦鱗當筵潑刺如酒人鬣不能揚尾難掉飲河量比鼉鼉  
小陽侯忽改酒泉封鼈背驚看玉山倒滿腹糟漿醉欲顛歸  
來大壑舞僊僊分明李白江心墜錯認知章水底眠憶昔沿  
天洪水來天外旨酒曾傳禹王戒未聞設醴水晶宮酒杯永  
隔人天界只知海上碧波深那曉人間醉鄉大作桶從今禁

忽弛龍公此際愁無奈我勸龍公恕此骨鯁臣賤子有詞請  
具陳此魚畢竟有性真臭味故同醇酒醇不然彼亦但結魚  
鰕侶安得與余忽作魚水親況乎斯時未能燒尾化龍去何  
妨日日爛醉東海濱君不見唐季居民少樂歲無人釀酒難  
謀醉得見醉人且為瑞

徐模 字月舟 海甯人

### 訪澄樸園故址

家近名園址 住宅在硤石西南湖與澄樸園一溪之隔 時來問荻洲百年人不見  
謂園主人 一片石堪求橋斷留春草村虛賸野鷗芙蓉溪畔  
沈天用 水 園有芙蓉鏡 約畧指前游

### 紫薇山晚眺

我來登翠微日夕行人少對面孤塔撐學我立崖表曠然百

里閒一覽村墟小，遲稻千頃收。夕煙萬家繞，飯僧踏葉歸。樵子頭不掉，咫尺食其山。東山有審食其墓，故名審山。欲陟倦於鳥，寺樓鐘

一聲，新月出林杪。

周毓芳

字海琅，海甯人。候選布政司。經歷著梯雲山館詩詞稿。

宗稷辰曰：海琅為樂清司馬，長子幼師李石梧。工詩畫，從征湖南，徭有功，授官卒年二十九。

游觀音巖

亂峯如劒插蒼冥，獨立西風醉眼青。深澗毒龍晴吐氣，虛堂神虎晝聽經。白雲呼吸通衡嶽，仙掌依稀摘酒星。惆悵楚狂人莫識，長歌何處問山靈。

星沙道中

柳煙深處盪輕舟，水卷離情向北流。撲面風塵初作客，關心花竹又經秋。一鐙漁火寒官渡，九月濤聲撼郡樓。愧我原非

詞賦客也隨鴻雁到南州

三唔道中

溪雲如雨黯生煙水調新腔隔浦傳山果橘香新上市客衣  
秋暖未裝縣遠峯蕭寺蹲銅獸古戍斜陽冷畫鷺拍拍沙鷗  
隨棹集卻疑夢戀米家船

宋英字離山海甯人著六峯吟草

杭郡詩三輯醒山與陳愚泉文藻許莢坪增交善愚泉  
歿釀金為梓遺稿莢坪歿無子其先世遺構悉鳩資  
營葬之其篤舊如此亂後惟一子復病天鄰有婢頗慧  
願為之妾醒山聞而納之手製花燭詞以寵青廬時年  
已七十矣舉一子一女易簪時呱呱者  
已能負牀而立為善者必有後諒哉

題馮榆村深山養拙圖

舉世弄機巧先生古遺直不知與世違蕭然自養拙莫道深  
山異世情春風秋雨作陰晴何常計我同攜手笑指雲霞變

態生

九月八日登東山過許黃坪墓

登高豪興忽難禁  
預佩萸囊上碧岑  
雲裏雁聲撩客思  
海邊蜃氣接秋陰  
偶談往事空陳迹  
屈指論交憶素心  
多謝山靈容傲骨  
一抔長護竹林深

墓在班竹園黃坪自挽詩有一堆傲骨要人憐之句

楊敬輿

字陸卿號榕龕海甯人著榕龕詩存

壬午春日

九十韶光逐逝波  
悲纏風木更如何  
慈顏長痛今生隔  
觸景還疑夢境訛  
寂寂檐前飢雀噪  
怱怱窗外隙駒過  
傷心庾釜營難遂  
忍詠風詩到棗莪

舟次書感

好是尋春載酒游  
無端催上木蘭舟  
寒潮西去聲嗚咽  
似訴

離人一段愁

查春榮

字欣木號桐  
山海甯人

許滄祥曰桐山先生少習岐黃賣藥於市嘗與同里張鐵庵拈題角韻多清麗之作暮境無聊詩乃益工著有舌耕秋鳴琴毀諸集鐵庵為之點定焉

雪夜排悶

人生若槿榮況復百憂攻破屋難勝雪虛窗易受風累多兼善病歲歉值奇窮萬斛愁難遣吟詩學放翁

郭沈昶

字夢蘇海甯人  
著清華館詩稟

許滄祥曰夢蘇先生髫齡好吟詠十七而孤遂棄舉業習岐黃名于時暇仍肆力于詩顧體弱善病卒年二十有六無子弟小梅以長子嗣即子明也距先生沒六年矣庚申寇至子明抱遺橐勿失鄉里賢之

贈查梅史先生時宰宣城

謝李高吟後江山久寂然天教才子出人頌邑侯賢政美民

皆子時平吏亦仙公餘多妙詠萬口早流傳

咸陽送客行

花陰漠漠黃驄驕送君直上咸陽橋橋下滔滔江水急橋邊  
嫋嫋風柳搖柳枝江水尙如故憶得前年送君路短衣匹馬  
去千里直到青山最多處青山不改歲月久往事那堪一回  
首天公更遣君遠行又挂征帆海門口驪歌唱罷隔江樹煙  
霧茫茫留不住春風只捲落花飛不捲離愁共春去

題梅村集

蒼梧往事入悲歌祭酒文章感慨多幾見烽煙馳鐵騎劇憐  
荆棘沒銅駝白頭揮淚談天寶斑管題詩記永和惆悵江南  
逢白珣琵琶一曲恨如何

爰山看紅葉



西風一夜霜十里紅如此我從山下來錯訝桃源是燒空萬  
樹明入望千林紫峯巒杳不分裏入紅雲裏及基渺何處日  
暮悲風起時有山僧歸掃葉烹泉水

晚步西山

殘月猶未墜餘光映松竹杖策陟崇岡衣上曉煙綠林泉饒  
幽趣領畧惟我獨悠然發清唱驚起山禽宿

徐人治

字蘭坪海鹽諸生著嘯篁居吟稿

查世豐序畧蘭坪耽吟善畫有淵明愛菊之癖襟抱清曠絕去雕飾非風塵中人也

偶題自畫山水

水複山重樹鬱蒼幽人臥起倚斜陽劇憐小閣窗全拓消受

新秋面面涼

崔以學

字蒼雨海鹽人著桐石山房詩鈔

縣志以學爲人樸茂學有根柢讀書能洞見本原嘗病錢大昕疑年錄吳修續疑年錄兩書多遺漏著疑年錄質疑續疑年錄實疑頌稱善本長於古文顧人以墓銘詩文序求者不輕應也

### 題張忠烈公像

閣部收明局東南又有公讀書思往哲瞻象拜英風魯國相終始唐藩竟合同延平如聽箴半壁掌心中

獨與李

長祥王翊

軍屯田不擾民師中無義餉海角有純臣

荔子峯頭月鮎埼亭畔春朗歌文謝句一體共成仁

公有壘山遲死

文山早青史千秋任是非之句

十九年心事何如蕉夢長蘇卿甯貶節信國豈歸鄉鍾阜悲龍虎臨安感鳳皇好山千里望如畫亦蒼涼

已定采薇志蕭然滄海湄警關仗猿子賣主恨雕兒

用王史貴事

筆石園闕碑文雙韭彌騎箕今慰否正氣凜須眉

雨後微涼有懷半邨用阮亭雨夜懷陳其年園居韻

驕陽如酷吏逃暑百不適薄冥黑雲生散作千林滴須臾阿  
香過天清曜奎壁隔溪顧文學相思渺難覲豆棚響絡絲涼  
颯卷蘆荻安得東維子一聲吹鐵笛

賈敦臨

字吉甫號蘅石平湖諸生著知止堂詩藁

縣志敦臨詩有宗法七言云菱田霜冷白成路菱蕩風  
疏綠滿溪風暖麥疇春滿野煙清魚市水為家十里天  
分秋色遠四圍山借夕陽明皆清警可喜

織布

當窗驚促織纖手爭弄梭名傳丁孃子法始黃道婆織纒數  
相合機杼鳴自和匹成縑比素細近紉與羅斜紋門側理芳  
勝誇飛花女紅利不薄邨落能者多空房掩菱婦比屋通鄰  
家辛勤既無苦膏沐何足誇深閨長嬌情富家窮奢華安知

助耕鑿賴此同桑麻

沈廷耀

字雲泉平湖諸生著愛吾廬稿

許仁杰曰雲泉丈遺稿顧訪溪先生序之極推其人品風誼詩其餘事也

雨後野望

雨歇雲亂流山光瀉濃綠斜日墮西樓殘流入溪曲眺遠見  
前村炊煙隔深竹有叟荷鋤歸風前驅黃犢平疇高下苗早  
晚已成熟相逢無別言但話年豐足

楊懋驥

字雪珊平湖人

家傳略雪珊伉儷俱能詩嘗畫靜好樓圖蘭苔慧豔琴瑟雅音一時罕有倫比

游懷橘庵

紅葉斜陽路閒尋祇樹林偶逢開士話能見古人心逕曲行  
偏密亭幽花自深一聲吹笛去溪上月光臨

雪後遊真如寺

淺印芒鞋徑未封  
禪關幽絕少人蹤  
偶登小閣看殘雪  
忽見斜陽挂遠峯  
半樹梅花邀客賞  
一甌春茗待僧供  
水松牌上閒題句  
一任歸來打晚鐘

朱

鍾

字應黃號雅山平湖人著白石山房詩稿

府志鍾食貧勵節酷好吟咏道光元年郡縣保舉山林隱逸力辭之居常衡門雙掩樵蔬不給親故或以錢米相濟苟非其人不受也

龍湫懷李潛夫先生

激潭開絕壁  
高隱白雲岑  
一勺龍湫水  
千秋處士心  
煙霞尋舊迹  
薇蕨想孤吟  
獨坐忘歸去  
松風送遠音

朱錫山

字魯東號雀橋平湖人

馬承昭傳略君蘆川南村人也先世皆業農早失怙讀四子書畢舍經而鋤力田以養母家累漸增斥賣田略

盡夜理舊業爲童子師暇則取詩吟哦之性簡樸  
寡交游且吟且學不出以示人人亦莫之知也

述懷

生者傷死別死者傷生離生死有同情哀哀無盡期去冬我  
女沒早殤良可悲骨肉難捐棄況當憂患時光陰速流電回  
首歲云期撫景三歎息涕泗不忍揮憶親棄我日盛夏號寒  
颼臨危猶顧復執手哽言辭今我日淪落南北紛奔馳十年  
母未葬父柩沒荒茨此生既不孝烏敢用我慈願移兒女心  
長作父母思

秋日聞梧軒客遊之信

涼風起天末征雁度江濱獨聽高樓雨還憐遠道人家貧思  
旅食身老念交親况復逢搖落臨歧倍愴神

沈

筠

字實甫號浪仙平湖人  
著守經堂詩集十六卷

縣志筠食貧勵節少嗜學以母教遂研索古籍自六經  
 三傳莊屈馬班而下莫不漁獵菁英以發抒其文藻晚  
 歲敦重名教凡忠義節烈之事及耆舊詩文殫心採輯  
 今賴以存者皆筠表揚之力也著有乳水流芳錄密池  
 冰雪編壬寅乍浦殉難錄龍湫嗣音集蜻蛉州外史  
 日本紀略海上文徵滄海珠編守經堂困學錄諸書

石符搨本并序

廣元縣東百丈關水中有石大如席上有文如符人

謂之石符傳是張道陵所書佩之能辟邪孕生男

古藤絡石雲色壞似字非字畫非畫縱一尋橫三尺強妙感

精靈鎮幽怪關門百丈開蓮花龕鼉踏波翻白沙盤陀臥江

屹不動日氣照耀飛龍蛇相傳摩自道陵手中有五雷結印

紐仙人迹恐訛千秋鄰郡法疑奉五斗地無樵采絕釣游響

搨登登冒險求捫者指縮誦箝口華堂高揭霞光流僉曰宜

男從古寶石馬時偏忘伯道七劍穿腰一槩撐又疑人力無

其巧或云金箔張三丰遊戲往往留仙蹤呵叱青蛇裂雙袖  
一片真氣雲根融是耶非耶不可咫尺仙凡渺難接差強  
入夢吞丹爻聊比羅浮調竹葉我生雅負愚公愚臆解一任  
人挪揄得毋諸葛閒籌筆補勒炎劉赤伏符

智果寺觀東坡墨蹟及參寥泉

游戲韓仙下大峨詞源涌地患才多重逢白社清明節一證  
黃州春夢婆墨妙凌空翩有勢雲腴養碧淨無波汲泉儻許  
烹槐火客亦曾經滄海過

自紫薇橋放舟入淳溪

白傅祠前水春流碧一灣竹深猶積雪艣轉忽移山臥柳疑  
橋影癯梅笑客顏前村堪問酒小宋此局關

謂醒山

去婦辭

時初出戎幕



東風何嫋嫋女蘿弄柔綠異氣感同生宛轉附喬木喬木日以長女蘿日以芳可憐窈窕姿嫁與琅邪王環珠綴明月歌聲翻白雪雪月清且幽耳目難爲悅眾卉媚春陽一花憔悴生中宵急風雨搖落難爲情情天何物補問石石不語花團並蒂開花殘二心吐還君一斛珠服我舊羅襦掩泣下堂去一步一踟躕孔雀飛東南浮雲逝西北佳人適靡所誰憐難再得再得欲如何彫枯愁女蘿喬木幸自愛梁棟需材多

春夢

春夢如煙散莫尋酒痕留得舊沾襟城南連日多風雨渡口桃花一尺深

朱逢盛

字草亭平湖人著清吟樓詩鈔

于源曰草亭居舊衙鎮晚吟媚學嘗於里中結吟社僕賞其五更殘夢落鏡花七字最有味

納涼

一天星斗影縱橫且坐柴門看月明不覺夜深聞話久流螢  
飛出豆花棚

荷花詞

蘭橈劃破一湖煙聽取吳娘唱采蓮卻笑鴛鴦亦癡絕並頭  
花下穩雙眠

沈以堯字吟齋平湖人著白石山房稿

許仁杰日吟齋詩從于辛伯詩話錄入稱白石山房稿  
縣志作清風吟閣詩鈔注願廣譽序未刊佚願序不見  
于悔過齋文集幸于君  
留此二詩也亟登之

秋夜

虛堂人靜遠聞砧挑盡孤鐙覺夜深窗外不知微雨霽半庭

殘月一蛩吟

戈溪待渡

垂楊綠淨遶溪斜野艇無人泊水涯芳草斜陽人獨立數聲

幽鳥落桃花

吳

松字聽濤平湖人  
著古琴樓詩稿

鐘窗瑣話聽濤早失怙恃祖母朱撫之成立嘗讀李孝  
伯陳情表為之泣下嗜琴得海上徐炯齋先生手授成  
連移情指與物化

村居題壁

跪地垂楊弱不支綠陰挑出酒家旗提壺叫徧村前後花壓

紅橋蝶過遲

也無紅袖豔當壚祇有漁樵隔水呼歸去白雲知我醉放他

新月照花扶

夜宿山寺遇友

蕭寺蓬門夜夜開  
故人竟被月呼來  
明朝定惹山僧惱  
踏破籬邊一寸苔

盧之貴

字菊人桐鄉廩生著華山館吟草

縣志之貴稟承家學文有經術為吳學使鍾駿所賞拔生平操行端謹著說文引經攷異八卷續編六卷

田家

村居多樂趣  
遙隔市塵譁  
茅舍護桑柘  
柴門開稻花  
雨晴占

歲序雞犬足  
生涯隱約疎  
林露幽樓有數家

孫

壩字西壩桐鄉人著湘碧室詩鈔四卷

沈潛序略西壩嘗從吾友夏子守白游夏子著作追漢魏軼唐宋生平游歷過從四十年吟詠自得偃蹇終老西壩深領妙趣所著湘碧室詩一皆步趨守白西壩既刊師稿復搜輯師之忘年友樊桐願叟遺稿刊之其篤於情如此西壩殆孫晟之亞與

簡柴源

搖落深知感萬端，秋風秋月客中看。  
人因失意同心少，吾獨憐才見面難。  
白首有情耽翰墨，朱門無路整衣冠。  
昨聞已筮還家日，好侍庭幃菽水歡。

寄夏夫子儼

地偏長水閣，望望碧雲深。  
月滿薜蘿徑，秋高江海心。  
奇文聊玩世，華髮少知音。  
準擬逃空谷，高歌解俗襟。

周學洙

號詠華鳥程廩生官兵部主事著文選擲英二卷洛如花室詩草一卷

閨怨

落花成陣送春歸，深院重重晝掩扉。  
海燕不知儂意緒，畫堂雙宿又雙飛。

里居述懷

半畝蓬廬近日河，幽居渾似住巖阿。  
營巢燕啄粘泥絮，戲沼

魚吹貼水荷月下頻傾重碧飲花前屢倩小紅歌攜筇門外  
閒憑眺當戶青山髻擁螺

數載閒居類守株迢迢千里遠妻孥解詩不蓄康成婢戀主  
惟存穎士奴誰爲南州常下榻自慚北郭濫吹竽高車駟馬  
心休羨從古風波是宦途

恩息日月跳雙丸花甲將周指一彈束帶自知腰更瘦披衣  
常護背多寒仕途莫羨榮名易世事宜思晚節難我本無才  
應退避歸田休再上長安

### 山居

山居適吾性閉戶靜無譁屋漏牽蘿補牆低倩樹遮酒宜傾  
竹葉茶合品桃花日暮煙嵐紫歸林噪晚鴉

董

恂

字謙甫號壺山烏程諸  
生著紫籐花館詩集

縣志恂工詩詞能醫亦通經學  
嘗疏夏小正并重修南潯鎮志

落葉三十首 錄三

思遠情懷中酒天虛簷獨立鎮愁牽關心蔭覆無多日過眼  
韶華又一年荒冢白楊秋鬼唱故鄉紅豆美人憐繡林錦野  
嬉春路只在寒沙斷草邊

本來入世等浮漚漂泊從教不自由生意已同蟬蛻委化機  
還比豹皮留寒鴉古木村村畫竹柵柴門樹樹秋莫更多情  
憐顧況爲他辛苦御溝流

相思比爾積還深安得春暉慰此心烏夜曠愁三弄笛雉朝  
飛怨四弦琴拾餘殘蠹情空寄跨到疲驢感不禁莫把無知  
憐草木也教歷劫去來今

捉船行

年年三月春水生，漕艘打鼓飛帆行。今年阻淺行不得，篙師縮手真無策。詰朝縣吏都下鄉，有例捉船云載糧。捉船載糧船數足，捉船索錢難滿欲。朝廷正供官長符，那知徒飽姦胥橐。大船有錢可潛避，小船無錢復誰替。

陳士駿

字逸才，號韻庵，焯子。烏程人，著亦鳴草。

### 寒食登招寶山觀海

習聞招寶山，未探招寶勝。際茲風日美，往遊策高興。步出城東門，第一山開徑。山骨劇逋峭，斧鑿成梯磴。適聞海濤至，松風與相應。迤邐躋其巔，威遠城延互。高樓號望海，島嶼數難罄。狹江爲咽喉，竺山如釜甑。礁石苔亂點，帆檣陣分定。足底鼇柱擎，卽此山爲矴。不然蛟龍攫眩惑，安能凭老僧爲我說。指畫妮可聽，我聞爲點頭。頗與志乘證，險絕匆久戀。趣永何



妨臆歸途亦已熟送我一聲磬得寶何用招斯名恐未稱

沈廷松

號雲門烏程人著慕泉詩文稿

家傳略廷松幼失怙恃稍長即佐其兄治生事年近壯發憤讀書慕蘇允明之為人自號慕泉天姿超邁記誦

賅博尤喜讀史用力古文頗深詩則直抒胸臆不甚經意然亦有落落自行之概

贈姚若木茂才

光照

與我比鄰久多君意氣投此鄉勤穡事之子獨娉修書史知難棄稻粱非易謀莫嗟士不遇足已更何求

鄭宗玉

字小如歸安附貢官河南南陽知縣著耕硯餘閒詩稿

孫德祖曰小如以名法入川佐大府幕有聲道光季年歷宰中州劇邑所至以循良稱未六十引疾歸亦急流

勇退士也

題蛺蝶畫扇

桃花零落菜花肥九十韶光事漸非胡蝶不知春已老依依

猶傍碎紅飛

我邊春盡日

十年客裏度春暉長送春歸客未歸過眼鶯花原是夢驚心  
歲月快如飛荒涼邊塞晴時少落寞情懷酒力微最憶家園  
風景好龍孫脆美鱖魚肥

鄭之良

字維翰歸安諸生著游蜀草

春日卽事

息影小蓬壺臥游新畫圖竹梢風韻細蕉葉雨聲麤夢醒莊  
胡蝶詩懷鄭鷓鴣綠窗春寂寂閒煞博山鑪

黃定齋

字蒙莊鄞人著垂老讀書廬詩草二卷

趙佑宸傳畧先生幼貧隨其族兄東井宦游江南書律  
並讀出其學歷遊吳楚燕豫皖粵東坡詩云讀書萬  
卷不讀律致君堯舜知無術先生固會而  
通之故其所為詩文皆粹然有得之言

毛珉曰先生性嗜書凡名法金穀兵政天算河渠漕運諸書及當代律令典章靡不研究猶以少貧未遂嚮學繪垂老讀書圖以見志

### 紀颶風

斷霓飲海東北翔沙飛撲天天無光晨雞瑟縮不敢報排山  
倒海徵蒙狂傲廬三楹何足數瓦如茅捲無完牆樓臥牀搖  
急趨避漏難徧接聲浪浪當面為賊到瓦礫葺未蕝事役匠  
忙距不兩旬颶復作浪高於屋流入房婦孺斃溺指莫屈畜  
產遑復問牛羊禾淹汨汨過滅頂棺漂纍纍積滿塘昔我客  
粵誦蘇賦鄉居私幸少此殃自遭寇難始復業詭奇沴氣胡  
疊嘗天不嗜殺民何辜不須尤民怨昊蒼災始道光癸卯秋  
七月邑乘誰繼南董良

### 登大觀臺謁余忠宣公墓

矢亡援絕大江濱，肯負孤城借此身。  
臺迴曾揮沿岸寨，井荒長溯一家仁。  
眷屬俱殉井中詩傳戴叔留清派。  
婺州戴叔能學詩於公廟守危翁愧老臣，奇節不殊王保保。  
保存元賴有兩完人。

### 過十八灘

舟行未入灘，已怯灘聲惡。入灘齊戒嚴，石齒礪霜鏢。  
急流瀑布衝危崖，劔門錯港訝斷復。連巖驚墜欲落潭，  
深蛟潛蟠徑窄。艫爭攫昂首來，巨鼉尾追聲霍霍。  
山根雷劈餘，餓虎伺吞嚼。牽挽眾不勝，凜凜馭朽索。  
猶謂上灘難，終勝下灘虐。灘數羅漢符，慈悲呼不諾。  
俄聞惶恐名同舟，共增怍我謂世路艱。何處不灘若灘行，  
戒覆舟陸行戒失腳。

### 大風過黃天蕩

滔滔萬里流，趨東揚江直。上岷江通放船京口，  
還豪華快金焦。

轉眼移龍從黃天之蕩險獨絕無風浪亦三尺衝封姨怒吼  
 雲變色山搖鐘阜蚪拔松潑天狂捲六月雪湧浪屹立千仞  
 峯扁舟一葉曷足數駛如箭脫百石弓壯哉斯遊坐懷古截  
 江師借無全功孤軍深入失歸路魂游釜底窮寇窮大船風  
 阻小船接天塹孰更攫其鋒計不出此隙先授虛矯漫說還  
 兩宮腐儒迂論付一笑管見何足窺英雄

文亭夜泊

扁舟泊今夕老尉隔前朝地以老尉方室得名亭圯仍名丈江連不

屬姚鄉心貪再宿客路說明朝山月渾無賴來催夜半潮

王

約字簡夫號西嶼慈谿諸生  
 箸且存詩鈔蘭睡小草

黃式三曰簡夫篤信漢宋之學而不偏護其失尤精說  
 文於鈕匪石之妄駁段氏者一一申之而段書之闕者  
 誤者歧出者欲刪不刪者一一釐正之受業於訥齋柯  
 先生後詣蘇門為其師校刊蘭雪集并刊其外祖徐石

臺醉雲樓詩草又輯故友散佚諸詩各立小傳於詩前曰琴影錄其篤於師友又如此

詠漢董孝子復仇

仇有母我無親劒在手泣鬼神我無親仇有母子可誅母何負墓上草幾榮枯擲髓體血模糊是孝子是仁者照古今振區夏

夏晚卽景

獨立禪關靜偏宜晚景長白雲籠遠岫黃犢戴斜陽風定鳴蟬健荷清浴鷺香未須愁酷暑秋信逗銀塘

葉元塏

字晏爽號琴樓慈谿人官光祿寺署正著琴樓詩鈔

同澹園素菴小涯泛白湖和小涯韻

買得扁舟好詩情載一湖花多香不斷山遠影俱無隔岸紅亭小中流碧嶼孤阿誰歌水調風緊聽舍胡

遊隱山

趁得斜陽上山敲借樹扶幾堆村屋小一點海帆孤紺字懸  
青嶂紅亭瞰白湖欲尋梅徑返好鳥勸提壺

錢福衡

字雲飄山陰人  
著荷笠齋吟稿

醉歌行

秋圃黃花香滿室滿室同心皆膠漆酒入詩腸詩興逸狼藉  
珠璣聲瑟瑟星五純樸天性真雪門閒雅趣橫溢賈生琴巖  
最少年風流瀟灑推第一但溯離合與行藏不論衣冠及文  
筆愧余十年不讀書妄自狂歌操不律生平落魄戀杯酒一  
斗二斗飲無匹飲則無匹吾醉矣高眠一榻還吾質

周晉鏞

字寄凡會稽廩貢官常  
山訓導審越中百詠

沈豫序畧寄凡亢爽士其人鶴立其筆鳳鳴名噪穆庠  
未拋白紵乃湖之江游吳會得越中百詠一時盛傳之

飛翼樓 并序

沈立越州圖序飛翼樓高十五丈范蠡所築以壓強  
吳也輿地紀勝今臥龍山望海亭是其遺址世號鼓  
吹樓

鳥喙高騫志竟酬  
狝霄猶恨羽毛柔  
心誰矯捧迷強敵  
翼不孤飛仗老謀  
何意功成雙翅折  
此中人去五湖秋  
亭臺一樣游麋鹿  
月色蒼涼鼓吹樓

詩巢 并序

在興龍山之西卽宋西園故址元詩人楊廉夫所結  
以擬陸放翁書巢越人以祀唐賀知章秦系方干宋  
陸游元楊維禎明徐渭六君子

聲沈鐵蓬夕陽紅遺構西園擬放翁  
直接瓣香千載上由來



胎息一巢中吟魂地下情  
聯雨秀色山巔氣吐虹  
俯視鷓鴣眞小小青藤  
差可殿詩雄

廿四堆 并序

宋宮嬪墓在山陰  
屢石湖濱邵廷鎬詩  
屢湖湖水瑩如鏡  
照出興亡事可哀  
二十四堆春草綠  
紅兜幸未摸金來

珊珊環珮現曇花  
廿四荒堆傍若耶  
萬古閒愁石翁仲  
六朝幽恨玉鈞斜  
屢湖冷月吟秋鬼  
漢殿殘暉帶暮鴉  
幸未摸金來校尉  
冬青何處覓官家

雲門大樹

蔥蘢佳氣繞雲門  
種自開天萬古尊  
軒帝鏡成容照影  
媧皇石墜許蟠根  
枝柯不改滄桑劫  
萌蘖長沾雨露恩  
始信莊椿

非謾語青藤親見積苔痕

徐文長集雲門有大樹相傳樹自盤古時詩云開天碧樹肆蒼苔

### 照膽臺觀漢壽亭侯印

銅爵一片瓦黑暗剝蝕珍者寡建業一抔土紛紜擾攘任人取況復漢宮蜀殿旋蒿萊武侯廟柏風雨摧孰如此印留光采赫赫一千六百載身為漢臣受漢封此印長存漢長在嗟嗟漢璽淪江濱力挽漢鼎侯軼倫亭侯是階漢壽地地繫漢名協侯意前將軍授自漢中此時佩印應斗同荊州一去不復返遂與舊印潛無蹤鄱陽湖神默呵護氣懾蛟龍那敢顧漁人網得時代更滄海桑田等閒度陳思玉篆無復存典午銅駝不知處問誰什襲獻廟廷夜夜祥光放五浴井環篆古玉無恙照膽臺高侯有靈侯佑我

朝古罕匹玉印乘運先期出不然安得留鎮明聖湖曠古長

瞻漢家物

施 丙 字友蓮餘姚諸生著半嶼山房詩稿

王鐸序畧友蓮質性穎悟品學兼修其詩雅以質勝能會情切景而出之於天倪

隨宗人拜先忠愍公墓

良知淵學久精研取義成仁意亦便 公好陽明之學三分其書而讀之成集要三編

碧血祇明臣節苦 公殉難時題其案曰慙無半策匡時難惟是兒誤我使市信石雜燒酒 丹忠無復諫章傳 公遺稿藏門於途中飲之血迸裂而卒

尋南歸魂魄棲威鳳 江南賜葬鳳凰山 北顧江山泣杜鵑繼嗣無賢

承祖烈奠觴同為一淒然

遊臥龍

遊臥龍

臥龍山枕越王宮雉堞參差入望中雲氣蒸成湖面雨嵐光

吹斷嶺頭風登樓覓句懷元相酌水鳴廉憶范公幾度振衣

來絕頂半崖松檜自叢叢

謝

聘

字味農上虞人  
著吟苑館詩鈔

王勳上虞詩集序畧味農蒐羅之富纂輯之  
勤無媿風雅生平夙工詩士林多推重之

題王躔六先生小輞川圖照

俸餘辦得買山錢  
小築雲莊別有天  
佐饌綠葵和露折  
傍籬紫槿帶花編  
暫拋宦海風波險  
重結詞壇文字緣  
媿我金丹猶未轉  
也將凡骨企飛仙

蕭五惠書問近況賦詩荅之

心地空明別有天  
任他人笑負青年  
有詩有畫姑行樂  
無病無憂卽是仙  
藕葉池塘新雨後  
豆花籬落夕陽邊  
三秋未到江南去  
風景依稀在眼前

陸

源

字泉齋上虞諸生

書驛壁

數閒驛舍傍雲窩破壁青青挂女蘿  
亂後村墟都冷淡春來天氣少晴和  
空山夜雨忠魂泣寒食東風野祭多  
記得昔年經此地張鐙人正按笙歌

樓鏡人

號穎士  
嶧諸生

偶然作

世事如棋局變態風前燭形迹苦自拘  
無罪身桎梏適我性自然矯矯離塵俗  
坐看白雲閒夢謝黃梁續笑語熱中人  
千里飛鴻鵠

我笑宋人癡願身登玉局云作一日仙  
畢生志已足不知紫府中如麻紛符籙  
亦猶官吏然各各有統屬何如一身閒  
吾從吾所欲

菜花

散金滿野燦如何寂寞無人載酒過輸與菊花曾幾許不堪心賞只緣多

錢

溥號安齋  
曠諸生

款冬榮

物性枯榮異天時往復催古牆深雪裏獨樹款冬開徑葵洲明菊園荒和靖梅僧房正蕭瑟相對一銜杯

杜忠愍公詞

孤城如斗澱溪東報國將軍樹駿功可奈隻身爭水火猶將一劍決雌雄  
公著有 嘒嘒詩句空明月  
蕭蕭崇祠起晚風當  
日茂權亦名將也應祀典配髯公  
茂權姓錢亦與朱大典守金華殉節

張

淦字麗香黃巖廩生

沈映鈴曰麗香學有本原著聲庠序於經學諸家無不貫串其義實事求是著有禹貢條辨毛詩漢宋酌解三

卷十  
題秋圃圖

此生自分老煙霞叢竹編籬也算家渺渺孤鴻甘避世翩翩  
一鶴避烹茶鬢頭舊釀真宜醉籬下初栽已著花秋水馬蹏  
言絕妙幾人開卷誦南華

葉蒸雲 字閩帆太平拔貢  
著我聞錄四卷

壯士行

壯士七百人同心滅豺狼投身入虎穴自言就糗糧劇賊一  
何狡受之如平常分隸各隊下勢渙氣不揚忽遣解衣搜符  
牒洩所藏凶渠及醜類拔刃齊露鋸此時七百人曲躡皆鳥  
翔凌空登屋脊一瞥踰重牆賊眾集若蝟子槩無能傷牆外

陡遇伏突出鳴刀槍禍幾不及避在鑊魚逢殃悲哉七百人  
同日爲國殤波及又三百蹤迹無由詳蛇豕膽亦落連營徒  
遠方懲創聊示威毋謂謀不臧百身莫贖一七百俱秦良

戚將軍平倭歌

颶風怒捲洪濤急鐵腳蠻妖恣跳立桃渚披猖獠狄唬螺門  
吹角沙蟲集神勇無前戚將軍擐甲歸來掃寇氛金清鑿艦  
絕要道巨艘揚帆劃陣雲一朝電閃風雨惡虎帳奇兵出妙  
畧唐兵冒雪蔡卒驚漢將從天賊膽落射雕好手胡守仁指  
揮樓蔡皆超倫雷霆殄激震江海風雲炯倏疑鬼神壯士熊  
羆盡騰躍轉眼倭酋戚就縛連營日朗盡棲烏荒島風清忽  
徙鯉至今廟祀薦馨香我是台人感澤長片碣銘功已蒼蘼  
居人還說戚南塘



王心鏡

字虛堂遂安附貢

楊振鏞曰君號芹溪漁者為人公正爽直膂力絕倫兼習技勇辛酉之難率鄉民禦賊戰敗傷足踰厓伏天竹中賊窮搜不獲因更號天竹魅人賊退移天竹榭家園以報其德詩有棄餘草一卷

步毛佩甫山花原韻

自開自落自枯榮  
博物張華莫辨名  
不假栽培如有意  
得邀鑒賞若為情  
荒郊雨露聯新契  
野戍風霜結舊盟  
知爾丹青從此化  
文章第一要天成

蔣在樞

字薇垣壽昌諸生

移居綠苔園

一丈清渠浸嫩苔  
茶餘有客自徘徊  
地偏頗有山林趣  
屋小全無塵世埃  
綴玉梅枝詞句好  
凝塵芳榭舊時哀  
草閒鹿迹荒涼甚  
不道重攜麩素來

潘銘憲

字少城永嘉人官廣東揭陽知縣著知不足齋詩集

孫鏘鳴撰墓碑少城官粵十年有能名所莅皆巖邑值風塵瀕洞之日居無兵無糧之地保境衛民勇而善戰屢摧勁寇何其壯也於裔從逃民田產入官及商賈加稅之令力抗上官意堅不行為政尤知大體有風力

鎮平之長潭為明季邑人林丹九孝廉殉難處士民請

立祠祀之道光庚戌八月二十六日都司忠丹臣招

飲於潭上會者友人黃鶴樓金子襄少尉鈕華亭邑

紳張實生徐紫庭黃仲方度地一綫天亦孝廉避亂

幽居地也擬即鳩工詩以紀之

曲徑通幽策杖尋荒巖斷磳一登臨夕陽流水孤臣恨碧海

青天報國心避世已聞留白髮築臺何用惜黃金時兼築臺以為遊人

登覽之所披襟坐對西風裏薦爽宜人秋氣深

項霽字叔明一字雁湖瑞安人著且甌集

家傳略雁湖家饒於資而獨嗜藏書至雁湖搜採益富  
專力於詩當是時太鶴山人端木國瑚以詩名而泰順  
董霞樵永嘉項果園亦耽吟詠雁湖日與唱和

錢泰吉序略叔明篤嗜于詩其教人必為有用之學廣  
坐論議有不合不齟齬辨徐取書傳足相證明者示曰  
試詳讀之子弟有過亦然蓋叔明博覽古籍于古今興  
衰治亂之源民生利害之故多識審思不徒資以爲詩  
緝雅堂詩話雁湖詩如辭風別葉黏龜網過雨殘陽上  
鳥巢清曉鶴眠臨水屋薄寒人得焙茶天柳絮簾窻思  
刻燭蕙花庭院憶彈碁瑤幹有人奉墜露綺禽無夢立  
修葺清麗無塵每一誦之如聞天上笙簫鸞鳳爲舞

題沈慶之傳後

耳學如公一世豪南岡歸去羨功高書生謀國輕龍戰宿將  
談兵合豹韜進食先頌金鏤筋拂衣曾卻玉環刀逢時猶鼻  
車中客四十無成尙擁旄

萬松講舍

嘯咏精廬夜松風破鬱蒸蛤聲雄似大鬼火遠疑燈暘晏明

珠斗天清轉玉繩  
汝南先德盡青竹  
待誰登

山中懷劉忠肅徹讀書雁蕩古寺

撰轡來名山亮節動殊世  
劉生驚鶴姿讀書蔭松桂  
出事小朝廷宗社陳至計  
手迴公議戈山拔權姦勢  
期將鼉極扶盡室炎海溼  
神語藥不靈人亡國亦瘁  
長思滂母言何攬章妻涕  
汲黯非異人忠蹇洵未替  
遲莫仰前修求美眾芳逝  
高舉弔朝陽溪毛薦茹蕙

顧溪懷古

有序

歡溪爲齊顧高士隱處  
蒙謂前賢棲託之地不宜直  
斥其名因更爲顧溪以寓仰止兼質同志云

罨畫林巒有鳥嘯  
斷雲含雨樹高低  
栖賢舊地重回首  
山色空濛認顧溪

然松照讀憶當年黃雀飛飛向野田獨念恩勤悲鞠子聚徒  
先廢蓼莪篇

十號千稱擬議窮莫將鳧乞誤飛鴻無人商推三名論博切  
精賒總不同

麇  
有序

案爾雅釋獸麇大麇旄毛狗足說文麇大麇也今寶  
成寺近山有麇爲獵人所獲聞而賦此

本是山林物羅罨誰所驅生微同血肉魂斷恨庖廚慘酷緘  
冤口皮毛附禍樞斯人丁世亂鋒刃恐無殊

送人重赴日本六十韻

溟渤環何處麟洲在日邊萍蓬踰萬里壺嶠歷三年水限華  
夷界星殊牛女躔方原占乙次峒自向辰專韶鼈遙參錯蝦

蜺近接聯鐵分區域九更紮旅程千封巽疑非地乘槎欲到  
天霧消開蜃市水賦涌蛟涎忽抵詩書國會將琴瑟遷讓王  
留斷髮徐福去求仙質稟澶夷秀風濤卉服還餘腥紛玉帛  
碣嶼辨金錢物產鉛松富珍奇錦罽填前朝存市舶深慮止  
戈鋌備弛當中葉兵驕孰奮權倭奴爭伺隙盜弄遂相牽海  
陸鉦聲遍神京撫賚宣詔謠煽狐火跋扈聽漁舫暗檄驚飛  
羽空卷少控弦臺隍傾頓盡膏血漬堪憐繼復窺平壤何期  
涉大川爪牙疆漸敗唇齒宇猶全縛虎心心險奔鯨壘壘堅  
鬚眉軍氣伏杯學禍機連幕府勤撥甲花衣早著鞭梟雄甯  
擇地廝養豈無賢材擅鄧張軼學推興滿研來朝修北面底  
貢表東偏賓殿恩瞰象儒堂贊揖鱣尊親應莫異聲教況能  
延芻夾遐販裘經箱中夏船絃歌非悍俗讐校有遺編紺髮

歎橫目黑身羞比肩誰言馬臺僻詎似犬戎羶巨壘二洋設  
雄關五島駢望風新呂宋附譯古朝鮮食櫛同蠻嗜腰刀帶  
犢便貴臣椎髻舞士女繡裙滄服已徵衣劔儀多習豆籩紀  
官知在德保世轉談禪正朔青龍後文明白雉前輪誠王罔  
外柔遠道宜先更務威稜懾何滋履蹈愆垓埏寬並育酋部  
聚方緜再逐卮干石還依地一塵浮舟從范蠡持節笑張騫  
雜佩垂銀薦彈冠問玉鈿明侔珠可握梨大栗逾拳紅暈樽  
桑曙青凝楊柳煙雞林仍估易鯤壑憶洞沿章亥籌焉測夷  
堅志或傳鳥飛形不動虹見影俱圓潑墨雨師出轟雷颺母  
顛洪濤驅泰華浩氣納坤乾膠噩疑山怖心搖望欲穿鵬池  
雲怒起魚眼日長懸驟與鯁生語欣開物外篇廊樞人坐困  
弧矢志難捐汗漫遊今始毫芒理未詮何鄉真不死把臂看

桑田

折楊柳

弱柳影芳池，玉人慵畫眉。  
未飛白雪絮，先折黃金枝。  
馬角生無日，龍庭歸幾時。  
春風一向拂，惱亂總如絲。

歸舟短歌

隨珠抵雀寸陰短，青燈爛逐分光伴。  
歸來穩敲竹枝弓，射鴨巫湖平碧中。  
橘花綴玉香氣清，蕙波一葉風泠泠。  
日光曬水互滅明白晝，蒼茫天質星嬌鶯亂囀。  
三眠柳拍手鳴鳴擊銅斗，紗窗狎客進楸枰。  
不如徑賭宣城守。

度四十九盤嶺

曉發芙蓉村，輕裝戒童僕。  
巖磴愁險巖，巖巖林巒亦迴複。  
人穿大蟻封路入，盤蛇腹阻折移圭。  
景迷誤問樵牧，縱步陟危岑引。



領逞游目風江遠不波煙海望如陸一徑傍喬松數家住叢  
竹何處是精藍疎鐘出西谷

歲暮

忽忽日將盡芳樽坐獨斟凍雲含晚雨飢雀噪空林索莫詞  
人氣蹉跎歲暮心離騷方學誦散帙思難禁

白蓮花

羅幃蝶夢蘼蘼醒翠羽雞啼夜猶暝葉雲深處聞暗香一片  
花光搖不定玉斧斲天桂魄死素娥翦刻并刀冷七寶瓏玲  
合月團罡風吹墜玻璃影解佩佳人芳信斷情多怕折荷絲  
短華井須窺十丈蓮還丹重臥秋芸館

寶劍歌

驚飈動海生秋濤陰符讀罷荒雞號摩挲五彩古時劍希世

瓊寶非豪曹我對鐵兵先神王芙蓉新出爛奇狀敵匪雄芒  
眩目寒白虹一道青天上秦珠飾首越砥治鵬鱗膏淬凝霜  
脂吹毛切玉乃常事陸截犀兕水蛟螭短衣起舞光一瞥電  
掣星流勢拳攫玉龍掉尾迅如飛明河動搖月半落何年鍛  
冶來神工金精秋竭耶谿銅羊鑪裝炭太乙眠雷公鼓棗聲  
隆隆赤氣射雲雲氣惡羌渾十萬爭絕漠雪鋒濡血引不搏  
鞘下髑髏風掃籜辛值煙塵四海清論價誰解輸連城祇應  
變化延津去夜夜兩龍騰嘯聲

靈隱西澗

頤生寄託在煙霞傍礪穿林興不賒十里玉雲蕤竹葉四山  
金粉落松花磨崖客剔龍泓蘚入寺僧烹鶴嶺茶散髮悠然  
成獨往畢逋斜日動歸鴉

下河車車系金 卷四十一  
有海山樵者述龍挂奇甚作歌寫之

歧海凝寒炎氣薄偶向鳳凰山下泊嶼小生憎波浪高淵潛  
或恐蛟刺惡老漁打鼓颿極東天末初驚颿工作太陰變色  
出慘淡如截黑雲頽不落電蛇晝伏雷威窮抱珠睡足起乖  
龍鬣尾蜿擎爪甲怒席捲海水浮太空怪風簸吼搏羊角飛  
沫迸落如驚鴻天跳地踔不可辨雨雹奚啻車軸同樵人巖  
麓悻擲薪葛衣凜冽繁霜晨輪困藤樹牢縛身不然攝去成  
飛塵須臾雲散海波靜斷岸漸吐山嶙嶙高崖蛻片大如笠  
赤手拾得雲中鱗吾昔潛龍不見歎其德信識蟠空光景匿  
朝發崑崙夕孟諸噓氣成霖徧四國南溟有鵬六月息水擊  
三千更莫測始知道遙散吏非寓言逝將往看垂天翼

護國寺後峰頂作歌

雲山窈窕情不孤，  
梭索煙景從髯奴。  
千巖迴合境轉紆，  
一峯拔起眺覽殊。  
近瞰城郭如覆盂，  
碧海咫尺浮方壺。  
遠帆如葉山如鳧，  
招提紅樹千百株。  
藤蘿入定今已無，  
跼踏城市思清娛。  
池魚籠鳥何爲乎，  
隨陽歸雁聲相呼。  
奮飛山藪良不誣。

剪刀峯歌

有序

峯三面殊狀，  
旁視爲天柱，  
稍前爲一帆，  
又進爲捲旗云。

雁峯奇與水鬪妍，  
石作剪刀刀刺天。  
雙龍鋒鏑世無匹，  
千仞兀立湫瀑前。  
山雲繚聯裁易盡，  
難斷一幅玻璃煙。  
忽見將軍銅柱矗，  
旋疑壯士偃旗逐。  
又似高帆破浪行，  
受風颯然鼓其腹。  
謫異何如九面山，  
人隨石轉誇孱顏。  
天公狡獪端倪露，  
勝在橫看側睇閒。

石梁有序

雁蕩石梁僻在北閤石竒徑險惜未及游茲來天台  
覩此勝跡慨然欲往

巨掌擎太華石橋眞天成我來桐柏地始覩蜿蜒形高梁跨  
縹緲絕磴排空青之而鱗甲動銛利鋒鐔呈敢履刀劒薄徑  
與蛟龍攫強越莓苔滑還援藤葛縈危進峯極步仄同繩索  
緝把臂昇霄漢披襟陟晴嶸疾穿五里霧卻瞰萬丈冥橫絕  
冰雪瀑驟起雷霆聲恐怖股戰栗震掉心懸旌蔭竹啟石室  
偃松圍翠屏常飛應眞錫或振金策鈴樵夫柯爛斧橋叟磬  
布枰烏知人世換一任陵谷更壁立闕殊境塹限標愚氓絕  
無梯接意微視津梁情又聞雁蕩北石杠誰所營寂無緇黃  
宅僻有麋鹿經倚似杵離白弛如弓在藥斜敲玉井磬旁迸

金盤莖州互崖兩斷猱攀天半橫不見填烏鵲長駭喧簫笙  
時從浮邱侶偶識子晉名緱山鶴已杳蓉嶺冕斯征欲擊穹  
窿狀將騰汗漫行陡挾罡風勁湫淩倒景明拄杖化羅叟擲  
巾渡崔生但訝獨椎險渾忘鞭石平重疊化工黜慘淡意匠  
萌地靈妍益騁勢變奇交爭游因馬瘖阻興以屐折振二境  
倘獲遇一毛良可輕不涉三千水徐度十二城鉤屈瑤草秀  
珠垂琪樹榮望見禽獸白況聽龍犬鳴插架索萬卷鍊丹惟  
一鎗昔求長生訣今踐不死庭呼鸞刷芝朮踵鶴尋仙靈羽  
蓋入元圃霓裳朝太清手迴斗柄挹口吸沆瀣傾羣仙虹橋  
會大笑幔亭迎

冬夜偶讀

綈袍意氣轉飛騰永夜狂歌喜得朋鐵笛清聲三徑月梅花

疏影一池冰庭空宿鳥猶依樹水底寒蛟尙避罾石鼎詩成  
松火冷烏絲重寫剡溪藤

卓魯邨尋忠毅公故宅

浩然天地閒正氣恆充滿興懷嶽降朝訪碑陟脩峴明陳詹事大受

有卓公故宅碑尙存惟公匡濟姿學究百家闡通籍登金闈披鱗露忠

睿策同賈誼奇智異鼂錯短削地真寡恩徒薪非慮淺何愁

支幹強倏爾羽翼翦回首棲寶香定省足將跼至今騎虎地

風雨遍蒼蘚懷才如太阿蛟龍力能剗惜無斧柯執遂乏經

綸展捲土作范蠡排牆斃王衍降城赤幟登扈駕翠華晚志

事既不成泥塗視軒冕甯貽管魏慙未覺夷齊遠養士三十

年暴主乃心善知真嫉更深勸殺狂憎懦慨想革除年化碧

淚一泣仰止朱鳥名清風下雲巘

蜃川紀遊二首 并序

八月十二夕同弟叔雨散步松臺山麓危石離立尋  
唐李邕所作宿覺禪師髮塔碑毀不可見循依綠圍  
北曲折傍城而行涼月在天木瑟水明陂湖回復始  
識蜃川之勝城陰有樓僧小龕以憩渡者夜寂無人  
唯舟橫野水而已

獵獵風生野渡幽斷蒲疏荻不禁愁鷺鷥影暗林皋暝絡緯  
聲多水郭秋宋玉詞華嗟寂寞屈平身世屬離憂人生解道  
荷衣好共濯塵纓盍少留

明星玉宇夜悠悠浣女潭空寒不流黃葉林疏人弄笛碧山  
雲盡月當樓纔尋水石供清賞欲買滄浪結勝游他日蘋軒  
容散髮有無機事卜閒漚



青田訪端木鶴田

雲龍競追逐千載一相求  
翦燭虛良晤題襟憶舊遊  
夜谿渾作曉春樹老疑秋  
不意攀稽地翻回濟李舟

夜宿靈巖寺

平生竹柏懷寂寞有眞賞  
竊壑開精藍披襟下幽幌  
滅燭復拋書敲枕任偃仰  
寒葢發哀吟警禽弄清吭  
雨泉喧巖阿風葉動林莽  
天籟生刁調殊音同一響  
境清情屢遷興適神亦爽  
迴思人世閒六鑿太擾攘

永嘉城南舟行短歌

閩州城南天下無甌儂  
洲渚同吳都夫渠朵朵青  
繞郭扁舟煙雨橫菰蒲濱  
海壤狹田頗腴橘官有秩  
魚有租耕田上澗意良得  
旁引羊腸百里湖民生飯  
稻何所須沃土可羨亦可

虞選人豈肯泰多事只合延緣稱釣徒

吳乃皋

字景謨號淡而平陽附貢著塗鴉詩鈔

林滋秀序略淡而為詩并寫性靈不事雕飾惜歲踰強仕早歸道山鮑臺序略其言清而不瘦質而不俚以并寫性靈為事而不惑於流派之說可謂深於詩者

晚眺

叉手門前路年來我獨閒朔風欺老樹夕照帶寒山村僻人

稀過天空鳥倦還也知無事好吟罷倚柴關

林

鶚

字太冲泰順歲貢官蘭谿訓導著望山草堂詩鈔

孫衣言序略道光二十七八年予在京師林君太冲自泰順來與予游處甚歡閒數日即一見太冲年踰五十而意氣彌盛好飲酒為詩歌好讀兵書知劍法旁通天官歷數伎術家言於天下興廢成敗之故尤耿耿不能自已相與論一時人才無盡當其意者性剛鯁好面折人過事有不可意即推牀呼叫聲震堂室人或以為狂也太冲之子亨父其笑談舉止論議意氣無一不似太冲太冲之詩才逸氣雄浩浩落落如長江大河而亨父

優柔斂抑務為近情切理之言所詣不同要其志趣之高憂患之深可謂父子一家者也

游龍護寺遇雨宿雨花禪院題壁

凍雨壓窗清磬希柴門深掩綠苔肥客來剝啄真無賴驚落寒梅花亂飛

遊潘氏石林精舍

尋詩出東郭轉徑入松林忽見石重疊不知山淺深閒雲淡世味寒瀨清人心想見慕廬叟曠懷無古今

落葉

朔風當暮號廊瓦墜葉響開軒眺平林落暉透疏廠浮雲東西馳空山改萬象榮枯偶遞換物化自來往勉力蓄生意託根宜深壤

擬折楊柳三章

行人折楊柳折絲莫折枝絲斷春還發枝斷長別離  
折柳當鞭絲人逐春風去盼得人歸來青春留不住  
風送柳花輕露溼柳條短飛花歸不歸垂條淚常滿

虎邱望靈巖

誰道靈巖勝虎邱淒風梧葉不禁愁五湖煙雨人何處輸與  
真孃土一抔

送張侍御假旋

門外列車嘶蹇羸大夫束裝冠峩峩曰歸曰歸不能緩客中  
送客將奈何將離歡少別意多送君爲君發浩歌我聞風憲  
官最美繡衣立朝許直指底事攢眉長不怕甘心歸飲西湖  
水君言北遊三十年徧嘗世味甜與酸圓鑿方柄苦不適媿  
骨百煉殊未妍日日迂途點腳走縱無荆棘防冰淵

聖人廟算百無闕，素餐久廁多冠列。中外岌岌籌度支，桑孔劉王各有說。游夏何能贊一辭，庸臣但禁陽城舌。我本西泠垂釣人，不如歸去理絲綸。棹妻鶴子兩無恙，重領湖山未了春。不然永嘉山水窟，誅茅與爾結比鄰。世事茫茫那自料，蕉鹿非夢還非真。焉知退步作進步，一尊酒了百年身。我聞斯言默無語，頰首思之若有悟。僕夫折柳催客行，獨立門前望君去。何日重尋世外緣，汎汎閒鷗逐歸鷺。

舟中與孫太史

次言索和

水宿三千里，同舟不共歸。我如南鄉雁，迢遞傍君飛。荒驛從清夜，秋山易落暉。他時溯湘水，采苣憶芬菲。

宿遷舟次奉酬許仙屏贈別之作

結髮弄柔豪，雕蟲忝儒服。束劔輕去鄉，高談鷲羣牧。登樓悲

秋風掉首歸山麓意氣鬱未平技擊耕且讀妄與大用期待  
沾詎韞匱身世屢迤屐抱痛在骨肉居攫王哀哀出作卞和  
哭鳳斂竹寶稀蟬鬢霜艸禿計資登辟雖非才縻廩祿李充  
有甘口和凝少青目班筆憤投超梁園遠招穆東下析木津  
南洄汶泗曲聊攝詢仲連琅邪訪顏觸邂逅得良覲齊滕其  
信宿矯矯荀家龍朗朗豐年玉羨子當韶齡青箱富瑤軸驥  
足萬里遙豈屑一轅促丈夫自樹節依人總蝮跼風雲天路  
新終賈競騰連無若夷門叟徒感賢侯畜

渡揚子江有懷

岷峨作勢下東垓指點金焦雁陣開四瀆會同朝海去一帆  
風利截江來乍聞祖逖揮長楫待看夷吾展相才一代中興  
閒客老孤懷都付惠泉杯

悲孤臣

有序

十一月望後買舟錢江驚聞家少穆宮保之訃悲感  
三日夜不寐欲言輒止意猶謂或非實也孫太史後  
至益得其詳分舟後入信州重閱渡揚子詩慨然有  
作因昔有孤臣舊詠仍以名篇

冬雷一聲震耳裂其工悍觸天柱折江湖不憤夜哀咽江行  
野老眼流血狸狴跳躍鬼母驕使人吞聲不敢說吞聲飲泣  
心暗傷公私輾轉哀愈長純臣考終完大節誰知局外多周  
悼憶昔

先皇初御宇中外大臣有申甫秋林未始無巨材幾經翦伐  
餘叢楚黠夷覬覦膽漸張獷狷敢把邊臣侮海波盪溢搖滄  
洲碣石一柱當中流南隄堅牢東隄潰倉皇試鯨增堯憂萬

策僉同出和議聚鬮惑聽成包羞錯子鑄成不可改諸將無  
功更誰罪卻嫌此舉爲無名一謫一誅聊自解孤忠挫折心  
逾堅玉門暫出旋

賜環巖疆重膺節鉞寄

主知自昔非施恩近憐病軀許歸息將以老成遺子孫

嗣皇踐阼急

召對旋命仗旄先敵愾餘生未盡敢辭勞力疾據鞍益慷慨  
何期未至五丈原出師表上星隨墜嗟哉天步豈終艱胡爲  
壞我東南藩

天心痛惜知何似草茅有臣先感歎前日舟行渡揚子竊喜  
南來瞻高山中興將相空夢卜此生一面緣亦慳嗟哉天步  
豈終艱海波何日看安瀾



壩河水利

江源通山谿磽澗無多地高田接水涯坐享壩河利灘頭密  
椽杙橫薪沙石砌截水左右行水高及涯澁駕木安輓轆輪  
輕大無滯薄板龍側肋短筩雁斜翅筩沈虹飲泉筩升魚噴  
沫短筩橫乍承長筩直已漑終年役水力工簡費不費秋冬  
汚池盈春夏禾苗遂公私足糧儲丁男免勞勤因念導水功  
禹跡朔南暨胡爲燕趙區膏腴半廢棄民貧計短拙惜無楚  
人碁顛愚圖始難此功待長吏矯哉抱甕叟守拙戒機事豈  
知善用機小巧成大智忘機說太古民寡物力易後世生齒  
繁黃老詎足治且如古兵法原不尙奇計械器日踵增慘毒  
正難避時地與人情權宜匪一例正襟語今人毋徒執古義

過永州

五兩南飛催客過清瀟分綠減紅波愚溪山近帆頻轉龐嶺  
春深氣較和楚些風流湘水盡唐賢文字永州多孱才欲擬  
中興頌深惜顏元蹟未摩

全州道中

一山萬石立萬山立石同偶然石缺處閒以千稚松睨之但  
一氣焉辨松與石鎮日一帆風引舟穿峭碧何事訪秦源早  
入仙人宅

九日幼冰邀同人重游棲霞和葉田太史作

天皇初擘混沌裂水土攃撞石未結女媧止水居中原東南  
擯爲龍窟穴乖龍爭穴無定居地維破碎涿水枯十萬千年  
化爲石奇峯骨立環郊郭舊穴玲瓏錯出不可測游人駭恍  
欲入還踟躕我昔游栖霞淺嘗足心賞深穴窺無燭暫以付

颯颯重來九日剛秋晴煌煌列炬山鬼驚洞口白日送員景  
東入北轉南回縈初度一門勢厭頂聳身鶴步息欬警四五  
石筍辟左迎肅若仙吏向客請二門跨闕仰益高三門層閣  
疑通霄壯柱撐天下到地或懸半空根堅牢洞房幽闕長幔  
挂曲榭虛做檐牙交迤邐百步省仄嶺危舟下峽軍度嶠乍  
喜坦夷益展拓斷路參錯視所遭金沙閃爍光出井石闌護  
水潭通潮片玉倒垂磬不琢拊之清起石口韶爆竹一聲萬  
竅動須彌相見雪山湧仙人罷網朝太清禪真雜選旌幢捧  
安期肘倚洪崖肩雙成側避巨靈踵蟠螭昂首方獻珠鳳皇  
伸頸先吐豕神獅怒齒駢駝降無名怪獸伏難竦行行千步  
路忽窮萬相斂景餘虛空火光熒熒微有風仙源已閉何處  
通右窺左索始得竅方丈有逕趨瀛蓬低頭躡足了無礙啟

明一點生其東且喜且行出世界仰視大笑天宇紅息火靖  
坐費冥想分明巖字鐫曾公此閒豈別有天地太息穿鑿勞  
化工化工不勞天不喜人閒萬事亦如此吾儒讀書探名理  
搜奇鑿空茫無是神凝心注不冝休豁焉出此已達彼推之  
忠孝爲聖賢順途險遇各有緣果能參透行得透艱難曲達  
歸自然毋謂世途方迤邐至誠生勇乃格天不見七星巖半  
栖霞前石壁有路山可穿

由慶遠放舟至柳城作

匿影倦栖遲得舟情亦振況與羨火違歸從江波順啟窗對  
山色草短容轉儻卻將石作趺夾岸與舟近左角右還倚密  
陳魚麗陣又如海藏傾珠貝雜瑤瑾枯者瘦以透腴者文而  
潤虹腰長可橋虎牙利排刃何處雷送聲灘師語戒慎亂石

初無路舉篙伺其覺忽焉曲穿蟻閃然阪下駿客噤寂無譁  
成敗爭一瞬勞生厯險艱頑性磨不磷覩茲水石奇翻使老  
懷奮吾道平無陂閱世久益信

題孫太史

亦言

海客授經圖

聖清一統當昌期

六代

天子君兼師十三經訓昭典彝繙繹轉播無所私車書大同  
回羯氏遠被三藏鄂羅斯中山瀛海古島夷嚮風逃聽慕且  
思君臣詢謀書奏馳願遣子習膠庠規

先帝曰俞汝其來辟離選俊師汝兒發蒙革陋能者誰臣言  
稽首承

帝咨適館授粲衣頒緇四載講肄勤下帷經生南面居皋比

海客侍坐吟喔咻詔以禮樂

天朝儀容恭喙順靡不宜經明理達兼能詩齋頭譚海咄怪  
奇編輯巨軸施刷刮雅律聲協中華吹攜歸絕域式險設海  
天萬國馴蛟螭卽今儒臣升

丹墀金門待

詔敷鴻辭冊封典禮無專司故事擇賢海之涓儻奉

恩綸下東陲人尊神護如宗尼畫圖未盡君丰姿留待

天使航海時

端木叔總購得劉文成授經圖乞詩

昔行青田山言訪文成宅白雲迷荒墟古感意未釋今覽授  
經圖依稀見精魄英氣動眉髯高風岸儒幘吾道值季世出  
處均艱厄撥亂無良圖安能守書策偶爾逢興王藉手息兵

革還我儒素業遂縣旂常澤始終周孔心小道匪奇獲混元  
五百年鬱勃舒靈脈近者端木子心香繼儒碩絕學該天人  
文章達朝籍我聯兩世交問道拜前席木壤哲已萎空山鵲  
淚碧有子傳遺經亦能讀周易邂逅得此圖襲藏護拱璧自  
言先人志匪爲名世惜勸哉守經訓家風此精白題詠吾豈  
能聊以備藥石

右江道中

客隨使車出荆榛梗道途殺人不動心初疑非故吾灘舟仗  
健婦精進作壯夫前途警報急畫鼠成於菟

亂山包野田曲陌驚蛇驟毒草異木畔良苗自敷秀牛羊各  
墟落依山接檐廡盍作夔人藩庶以拒猛獸

閩囿藝蔗林荒原成利藪年年柳餌熟廣馬乘其後

俗謂廣東賊爲

廣馬土賊爲土馬賊  
卽每年來製饑者  
守宰怯不捕客民忍藏垢拜問羅池神  
胡弗埽九醜

賓州迤邐至駐馬開行轅多士角文藝父老呼煩冤太史奮  
直筆憾無鈇鉞權爲語二千石無負斯人言

檢閱舊稿漫書

重接賸楮拂埃塵恍入華胥舊夢新好議卻輸同甫慙賣文  
僅得退之貧無多曲筆諛仍直偶涉時趨氣尙真留與後生  
當眉樣蚓歌蛙鼓也需人

季垣字伯庸慶元歲貢

縣志垣性古樸學有淵源好爲詩有可傳者售

謁胡侍郎墓

策杖游名山行行入深樹借問此何墳云是侍郎墓溼草霏



下海車車系金 卷四一 三 八三六

春煙積城漬秋露俯仰令人哀馬嘶夕陽暮

何嶧字魯封號蘭陵楷章子臨海諸生著閩游詩草

何鍾麟曰先曾祖幼稟庭訓刻苦志學讀書巾子山不月餘嘔血數升為文踔厲風發尤敦氣誼重然諾年強仕就漳州邑令王君聘邑官山故產大木值甚鉅王諗公廉介屬料量匠人饋千金冀為隱匿公斥弗受督視愈益急山崖絕壁必躬履焉竟受瘴氣以疾歸里未幾卒

和王應三寄閩原韻

客子將閩游策杖問征途丈夫事業就四海作楷模嗟余遭坎珂隻身落江湖非不耽窮巷樂與古為徒安得事行役慚色滿眉鬚庭前墮篋碎違志學吹竽老大重依人內顧計實愚側聞田家樂扣缶歌烏烏又聞呵殿聲翩翩新虎符人生富與貴無用相仿摹我躬今不閱甯復問妻孥生我如有意此事寄寰區

哭弟醉亭

衰門零落傍誰親  
十口溝隍寄一身  
汝已息肩歸淨土  
我堪袖手厭風塵  
三千里外誰爲別  
四十年來始悼貧  
寂寞關山明月夜  
殘魂應逐遠征人

兩浙輶軒續錄卷四十